

四書箋義



射

論語集註箋義卷之二

泰伯第八

曾子曰

子曰



朱子集註

豫章後學趙

惠

箋

三讓謂固遜也

箋記鄉飲酒云月者三日則成魄三月則成時是以禮有三遜

大王

之時商道寢衰而周日強太王因有翦商之志

箋

紀武丁修政殷道復興武丁崩子祖庚立祖庚前弟祖甲立而淫亂殷復衰廩辛及庚丁之後武乙無道暴雷震死太丁立既崩帝乙立殷益衰子帝辛即紂也周紀太王之時民皆歌樂之頌其德注即詩頌云后稷之孫實維太王居岐之陽實始翦商古公少子季歷娶太任生子昌有聖瑞注有赤雀啣丹書止于

論語箋義一

昌戶公曰我世當有興者其在昌乎武王即與仲雍

距太王四世則太王當在庚丁武乙之時

逃之荆蠻箋春秋世本吳太伯初居句吳即無錫縣後居平江府今有姑蘇臺其地今之揚州

廣德軍寧國府鄱陽湖文城分寧皆是也荆者楚之

舊號越亦稱蠻吳地在楚越之界故稱荆蠻吳名起

于太伯以前未有吳號吳言句者夷之發聲猶言太

伯不從事見春秋傳箋僖公五年傳晉侯復假道於虞以伐虢宮之奇諫公曰晉吾

宗也豈害我哉對曰太伯虞仲大王之昭也太伯不從是以不嗣虞仲即仲雍言太伯不從太王翦商之志故逃之而

曾子有疾章

程子曰君子曰終小人

曰死箋記檀弓上子張病召申詳而語之曰君子曰終小人曰死吾今日其庶幾乎注死之言漸也

事卒為終  
消盡為漸  
父母全而生之子全而歸之  
箋記祭義曾子問諸夫子

曰父母全而生之子全而歸之可謂  
孝矣不虧其體不辱其身可謂全矣  
興於詩章  
詩

本情性而巳  
箋漢翼奉治齊詩本傳云故詩之為學情性

也情性  
能忘乎禮可以固人肌膚之會筋骸之束  
箋禮運故禮義也者

人之大端也而固人之  
肌膚之會筋骸之束也  
樂有五聲十二律更唱迭和

以為歌舞  
箋註義大旨已見纂疏詳考註意即禮運

案朱子格言云禮記註疏說五聲六律十二管還相  
為宮處最分明註云十二律陽曰律陰曰呂疏云舉

陽律則陰呂從之律呂分布十二辰始于黃鐘管長  
九寸下生者三分去一上生者三分益一終于南呂

論語義二

二

更相為宮凡六十也語錄云黃鐘為宮則是木簇為

商姑洗為角林鐘為徵南呂為羽還至無射為宮便

是黃鐘為商太簇為角中呂為徵林鐘為羽此即十

二管還相為宮是也又如語錄云每聲分為十二等

此即禮記疏十二宮各有五聲凡六十聲是也蓋十

二律分配十二辰辰各有五聲其為宮商之法亦如

之辰各有五聲故合為六十聲是十二律之正聲也

夫十二律之變至于六十猶八卦之變至于六十四

也禮運云五行四時十二月還相為本故五聲六律  
十二管還相為宮所謂更唱迭和皆本于相生隨其  
相生之次每辰各自為宮各有五聲十二管相生之  
次至仲呂而止其詳見于孔疏正義文多不錄今以  
隔八相生圖列於左方以便所覽又按樂有五聲宮  
商角徵羽者宮屬土君象也五聲為信商屬金臣象  
也五聲為義角屬木民象也五聲為仁徵屬火事之  
象也五聲為禮羽屬水物象也五聲為智又有七聲

者乃益以變宮變徵二者乃樂之和去聲而聲相連  
 接處其說見於國語十二律則配十二月見相生圖  
 八音法八卦橋八風叶八音片音金其風閭闔乾音  
 石其風不周離音絲其風景震音竹其風闔闔乾音  
 斲其風融坤音土其風涼坎音革其風廣莫與音木  
 其風清明竽立春之音篇春分之音祝立夏之音笙  
 夏至之音損立秋之音鐘秋分之音磬立冬之音  
 音鼓冬至之音其詳則律歷書通典皆可兼考

隔八相生之圖



黃鐘下生林鐘林鐘上生大  
 簇太簇下生南呂南呂上生  
 姑洗姑洗下生應鐘應鐘上  
 生蕤賓蕤賓上生大呂大呂  
 下生夷則夷則上生夾鍾夾  
 鍾下生無射無射上生中呂  
 此謂十二律長短相生所生  
 皆隔八位故曰隔八相生陰

論語箋義

曰下生陰生陽曰上生下生者管數多上生者管數  
 少相去增減之數皆不出于三故曰三分損益詳見  
 往書民可使由之章朝三暮四之術笺義已見纂疏

師摯之始章 亂樂之卒章也 公所定樂歌之辭也

按儀禮鄉飲酒禮工鼓瑟而歌鹿鳴曰杜皇皇者  
 華然後笙八堂下磬南北而立樂南陔曰華華黍文開  
 歌魚麗笙由辰歌南有嘉魚笙崇邱歌南山有臺采  
 芣合樂者謂堂上有歌瑟堂下有笙磬合奏此詩也  
 邦國燕禮則不歌笙間之後即合鄉樂周南召南關  
 雎鶴巢以下六詩鄉射禮則不歌不笙不間惟合此  
 六詩而已蓋以二南者夫婦之道生民之本王化之  
 端此六篇者其教之原也故用之鄉人用之邦國必  
 以此而合樂焉此所謂亂也茲非樂之卒章乎而所

謂關雎之亂以為風始者關雎為國風之始也

孔子自衛反魯適師摯在官之初箋定公十年孔子相夾谷之會十二年墮三都自後傳文無孔子之事史記以孔子是年去魯

哀公十一年魯以幣迎孔子首尾凡十五年而歸魯時師摯在官適齊入河者乃其後

狂而不直章 馬之蹄齧者必善走箋蹄音去聲周禮校人頌馬政攻其特注攻其

特為其蹄齧不可乘用蹄大計反 舜有臣五人章 五人禹稷契皋

陶伯益箋此語蓋本孔氏註 邑姜治內箋左傳昭公元年當武姜武王后齊太公女姜姓昭十年鄭裨竈言今茲類

項之墟有妖星告邑姜也注邑姜齊太公女晉唐叔之母唐叔即武

王子成王弟也亂本作亂箋古亂字注澄之切理也又古亂字注今作亂說文

論語箋義二

治也爭相亂受治之也有此二字之義 春秋傳曰文王率殷之叛國以事

紂箋襄公四年楚師為陳叛故猶在繁陽韓獻子患紂之言於朝曰文王率殷之叛國以事紂唯知時也

今我易 末章 溝洫田間水道箋纂疏云溝洫之制見于周禮遂人匠人

之職詳矣者按遂人凡治野夫間有遂遂上有徑十夫有溝溝上有畛百夫有洫洫上有涂千夫有澮澮

上有道萬夫有川川上有路匠人之為溝洫耜廣五寸二耜為耦一耦之伐廣尺深尺謂之明田首倍之

廣二尺深二尺謂之遂九夫為井井間廣四尺深四尺謂之溝方十里為成成間廣八尺深八尺謂之洫

方百里為同同間廣二尋深二仞謂之澮專達于洫鄭氏曰此畿內采地之制采地制井田異於鄉遂及

公邑鄭氏曰以南畝圖之則遂縱溝橫洫縱澮橫九澮而川周其外焉賈氏曰其四南北細分者是一行

為夫十夫則於首為橫溝十溝即百夫于東畔為南  
北之洫十洫南畔為橫澮九澮四畔為大川此川亦  
匠人造雖丈尺之數蓋亦倍澮鄭氏曰遠溝洫澮皆  
所以通水于川也遠廣深各二尺溝倍之洫倍溝澮  
廣二尋深二仞徑畛塗道路皆所以通車徒于國都  
也徑容牛馬畛容大車塗容乘車一軌道容二軌路  
容三軌杏溪傳寅百考云周禮五官多互文冬官雖  
亡考工其遺也其有與五官互文者苟參而考之則  
經之義自明匠人之為溝洫說者謂與遂人稱稠不  
同皆以為采地井田法紛紛之爭殆千有餘年莫之  
決也愚不自揆取二官熟復之合圖之其溝洫澮川  
之數頗極事理當人情愚然後知二官之法一也遂  
人言夫間之道以夫計故詳匠人言田首之道以里  
計故畧蓋互文也彼記匠人者蓋得冬官之遺文與  
遂人互見其必知之矣鄭賈未詳其制強分鄉遂采  
地以為溝洫異于井田固失穿鑿然其圖川澮與近

論語義二

世諸儒之說獨勝愚仍畫其圖於前而以愚之說圖  
之其圖有鄭氏遂人溝洫澮川之圖賈氏匠人溝洫  
澮川之圖及傅氏二圖皆不須載

附錄

勇而無禮則亂記仲尼燕居子曰敬而不中禮謂之

謂之逆仁以為己任表記子曰仁之為器重其為道遠

危邦不入亂邦不居通鑑光武十二年初公孫述

述羞不能致賜以毒藥酒業乃嘆曰古人危六尺之  
邦不入亂邦不居為此故也遂飲藥而死

孤崇辯詩外傳國中二十行役則七尺者二十歲其升降皆五年則六尺者十五也

# 泰伯第八

## 何晏集解

## 邢昺疏

## 豫章後學趙惠纂要

# 泰伯第八

## 泰伯

吳世家泰伯之奔荆蠻自號句吳

吳太伯太伯卒無子弟仲雍立雍卒子季簡立季簡卒子叔達立叔達卒子周章立是時周武王克殷求太伯仲雍之後得周章章已君吳因而封之乃封周章弟虞仲於周之北故夏墟列為諸侯

## 其言

### 論義義一

六

# 也善

左氏傳魏顆父病困命使殺妾以殉又晉趙孟孝伯病將死其語偷又晉程鄭問降階之道鄭

然明以將死而有惑疾此等並是將死之時其言皆變常曹子賢人至困猶善其中人以下未有疾病天奪之魄苟欲偷生則趙孟

# 六尺之孤

鄭元註云年十

者正謂十四已下亦可寄託非謂六尺可通十四已下鄭知六尺年十五者以周禮鄉大夫職云國中自

# 有臣五人

孔曰禹稷契

七年以及六十野自六尺以及六十有五皆征之以其國中七尺為二十對六十野云六尺對六十五晚校

# 亂臣十人

太公望呂尚也東海

稷契帝嚳之子顛頊之亂臣十人上其人其先祖嘗為四岳佐禹平水土有功虞夏之際封于呂本姓姜氏從其封姓故曰呂尚孫子兵法曰周之興也呂牙在殷

則牙又是其名畢榮皆國名入為天子公卿畢公文  
王庶子大闕散南宮皆氏顛大宜生迺皆名也文母  
文王之后太姒也從 **散冕** 散其色皆赤尊卑以深淺  
夫之謚武王之母 **散冕** 為異天子純朱諸侯黃朱  
大夫赤而已周禮司服云王之服祀昊天上帝則服  
大裘而冕祀五帝亦如之享先王則衮冕享先公饗  
射則鷩冕祀四望山川則毳冕祭社稷五祀則希冕  
祭羣小祀則元冕孤之服自希冕而下此禹之黻冕  
則元冕 **溝洫** 蔡考工記匠人為溝洫耜廣五寸二耜  
皆是也 **溝洫** 為耦二耜之伐廣尺深尺謂之畎田首  
倍之廣二尺深一尺謂之遂九夫為井井間廣四尺  
深四尺謂之溝方十里為成成間廣八尺深八尺謂  
之洫方百里為同同間  
廣二尋深二仞謂之澮

論語義義二

子罕第九

朱子集註

豫章後學趙

惠箋

麻冕禮也章

麻冕緇布冠也

箋冕者天子至于大

天子至於庶人之常服也玉藻曰始冠緇布冠自諸  
侯達元冠朱組纓天子之冠也居冠屬武自天子下  
達有事然後綬則知冠者自天子至于庶人之常服  
也周禮弁師掌王之五冕曰衮冕曰鷩冕曰毳冕曰  
希冕曰元冕司服云公之服自衮冕而下如王之服  
侯伯之服自鷩冕而下如公之服子男之服自毳冕而  
下如侯伯之服孤之服自希冕而下如子男之服大  
夫之服自元冕而下如孤之服士之服自皮弁而下  
如大夫之服所不同者天子之衮冕十二旒鷩冕九  
旒毳冕七旒希冕五旒元冕三旒旒各十二玉公之



衮冕九旒九玉侯伯七旒七玉子男五旒五玉孤三旒三玉大夫二旒二玉耳雜記曰大夫冕而祭于公弁而祭于已士弁而祭于公冠而祭于已則知冕者自天子至于大夫之祭服也審爾則麻冕與緇布冠不同可知也按儀禮緇布冠缺項青組纓屬于缺纓纓廣終幅長六尺鄭曰缺讀如有頰者弁之頰纓布無笄者著頰圍髮際結項中隅為四綴以固冠也項中有紐亦由固頰而為之耳纓今之憤梁也纓一幅長六尺足以鞣髮而結之矣此纓布冠之制也按玉藻十二旒前後邃延疏冕以板為之以延覆上延用三十升之布染之為元覆于冕上出而前後故云前後遠延白虎通云麻冕女工之始國語曰夫人織紵縱古者績麻為布上元下朱以為冕之表裏以二尺二寸之幅而容二千四百縷之經則至精之布也至夫子時乃以絲易之爾此麻冕之制也書稱康王麻冕黼裳御士郊君麻冕蠶裳太保太史太宗皆麻冕

論衮義二

形裳則貴者之服也蔡氏傳云以三十升麻為之是也當是時夫子猶為大夫故得用麻冕今以緇布冠名之於義恐未安此蓋孔氏註云冕緇布冠也冠者首服之名冕者冠中之別號集註承其誤耳故三禮圖云語曰麻冕禮也蓋以布衣版上元下黃取天地之色白虎通云麻冕者何周宗廟之冠也前後邃延者進賢退不肖也以

子畏於匡章

陽虎曾暴於匡

箋史記孔子世家註匡在滑州匡城縣西南十里宋之邑家語云匡人簡子以甲士圍孔子邢昺疏義所引類刻蓋刻乃孔子弟子昔常從陽虎入匡所謂由彼缺者昔所被攻闕破之處也然謂匡為宋地則可疑者按左傳定公六年陽虎侵鄭取匡獻其俘于晉時衛公叔文子曰天將多陽虎之罪以斃之此暴于匡之明證也史記註匡宋邑在滑州春秋疆理書及張洽地理沿革則宋無滑州惟鄭有滑州即廩延

也而衛之匡則開封府扶溝縣宋有承匡則在陳留  
襄邑縣史註豈非誤以承匡為匡歟然又指為滑州  
則非承匡矣姑  
俟知者考之

### 太宰問於子貢章 太宰官名或吳

或宋未可知也箋按侯國家宰之事司徒兼之其下當置小宰按曲禮天子建天官先六

大書太一曰大宰蓋提攝羣職者大夫曰太宰僭也

羽父請殺桓公將以求太宰孔穎達云蓋欲魯特置

此官以祭已以後更無太宰知魯竟不立之蔡疏謂

當時惟吳宋二國有是官者考之春秋宋有司馬督

西鉏吾向帶皆為太宰吳有太宰孫然楚亦有公子

辰伯州犁遠斂疆為太宰皆僭也洪氏稱宋太宰者

列子仲尼第四云商太宰見孔子曰工聖者歟孔子

曰聖則吾何敢然則工博學多識者也鄭云吳太宰

者以子貢曾與吳太宰語合論語問于子貢之說洪

氏引列子之言則太宰自對夫子言而非問諸子貢

### 論語箋義二

九

者二說當各詳其義 吾有知乎章 聖人之教人俯就之箋記檀弓

上云過者俯而就之不至者跂而及之 鳳鳥不至章 鳳鳴於岐山河中

龍馬負圖箋國語周惠王十五年內史過曰商之興也

興也鸞鷲鳴于岐山其衰也杜伯射王於鎬注鸞鷲

鳳之別名詩云鳳凰鳴矣于彼高岡其在岐山之舊乎

顧野王符瑞圖云昔伏羲之王天下也龍馬出河塗

則其文以畫八卦謂之河圖又孔穎達易疏伏羲得

河圖而 子疾病章 大葬謂君臣禮葬箋如喪大記君殯用輜櫨

大夫殯以憐君封以衡大夫士以咸君松楸大夫柏楸

士雜木椁周禮冢人凡諸侯及諸臣葬于墓者椁之

北職喪掌事卿大夫士凡有爵者之喪是也輜勅倫

反喪車也檟猶蔽也蔽木以周龍輅而塗之憐音道

覆也疏謂棺衣覆之也封以衡者諸侯下棺之時別  
以大木為衡而下偻傾倒也咸緘也大夫以絳緘之  
而下此皆禮

**曾子之死起而易箒**  
箋記檀弓上曾子  
寢疾童子隅坐而  
執燭曰華而脫大夫之簀與曾子聞之瞿然曰斯季  
孫之賜也我未之能易也吾何求哉吾得正而薨焉  
斯已矣舉扶而易之反席未安而沒註箒謂牀第也  
華畫也此乃大夫之牀篋也脫乃刮其節目字或為

剖 **自衛反魯章 哀公十一年冬孔子自衛反魯**  
箋

家冉有為季氏將師與齊戰于卽克之註此哀公十  
一年也季康子曰子之於軍旅學之乎性之乎冉有  
曰學之於孔子時在衛康子曰我欲名之可乎對曰欲  
名之則毋以小人間之則可矣而衛孔文子將攻太  
叔訪于仲尼仲尼辭不知退而命載而行會季康子  
逐公華公賔公林以幣迎孔子孔子去魯凡十四年而反

論語箋義二

十

乎魯 **是時周禮在魯**  
箋左傳昭公二年晉韓宣子適  
魯見易象與魯春秋曰周禮蓋

在魯 **吾未見好德章 靈公與夫人同車**  
箋史記孔  
子居衛月

餘靈公與夫人同車宦者雍渠參乘出孔子為次乘  
云云家語又云顏刻曰夫子何取之孔子曰詩云觀  
爾新婚以慰我心乃嘆曰  
吾未見好德如好色者也 **後生可畏章 曾子曰五**

**十而不以善聞則不聞矣**  
箋曾子脩身篇曾子曰年  
三十四十之間而無藝則

無藝矣五十而不以善聞則不聞七十而未壞雖有  
後遇亦可以免矣其少不誦誦其壯不論議其老不  
教訓亦可謂無業之人矣少稱不弟焉取  
也壯稱無德焉辱也老稱無禮焉罪也 **衣敝緼袍**

**章 緼臬著也**  
箋記玉藻緼為繭緼為袍註衣有著  
之稱著音灼今俗稱著絮是也臬即

本之紵絮晦翁解易乾坤之緼云緼衣絮也即如緼袍之緼言乾坤是易之骨子

章 易九卦終于巽以行權易繫辭云履以和行 漢儒以反經合道為

以一德損以遠害益以興利困 以寡怨井以辨義巽以行權

權案漢公羊桓十一年云鄭蔡仲知權權者何反唐 於經然後有善者也此反經之論始于公羊也

棣之華章 唐棣郁李也箋爾雅云唐棣名移似白

今山中有棣樹子如櫻桃可食據此則似白楊者曰 郁李即唐棣也如櫻桃者常棣也纂疏引文集云論

語及詩召南作唐棣小雅作常棣無作唐棣者然晉 書曹志傳云周公之詠鵲巢召公之歌棠棣則亦有

用此棠 字者

論語箋義二

附錄

子畏於匡 沈道原曰君子畏乎在我者不畏在天者

也既能窮理盡性矣雖有一朝之患君子不患矣然 則孔子何為畏匡也曰此記者之云耳猶言作易者

其有憂患乎以文王與紂之事也夫窮理盡性然後 作易何憂患之有故匡人之圍以事觀之則為可畏

以理考之則非 高堅前後 語錄曰高堅前後只是箇

聖人所畏也 中庸不可能記仲尼燕居 云子貢問曰敢問何以為此中也子曰禮乎禮

手禮所以制中也故此章歸重於約我以禮 居九夷 漢武元封三年置樂浪臨屯元菟真番郡班

固曰元菟樂浪本箕子所封箕子教其民以

禮義田蠶織作為民設禁八條有罪欲自贖者雖免為庶人俗猶羞之嫁娶無所售是以其民不相盜無門戶之閉婦人貞信不淫僻其田野飲食以藪豆可貴哉仁義之化也東夷天性柔順異于三方子欲居九夷有以也夫鄭夾深六書序亦云東夷之俗仁仁者壽孔子欲之九夷浮海良有以也 **不舍書**

**夜** 陸德明釋文皆捨集註音上聲楚辭辨證則從顏師古洪慶善之說以為舍止息也如屋舍次舍之義昔去聲集註序於淳熙丁酉而辨證題慶元己未相距蓋二十餘年然則正當以去聲讀之石洞紀聞之說恐未

**松柏後凋** 松柏不因霜雪而凋至春而後易葉故曰後凋 **唐棣之** 及考此 **華** 朱子小學樂器篇云唐棣枝類棘枝隨節屈曲則其華一偏一反左右相矯而夾正因得合體均正偏喻管蔡失道反喻周公誅頑愚按左傳僖公二十四年云召穆公思周德之不類故糾合宗族于成周

而作詩曰棠棣之華鄂不韡韡云云小序亦云閔管蔡失道而朱傳以為序得之是二詩皆為管蔡而作唐棣乃獨為逸詩何與李清臣辨之云彼作詩者因凡弟之不咸而喻以唐棣既曰爾思又曰豈不又云室遠夫子意謂詩人失辭所以刪而不取

論語卷二

十一

子罕第九

何晏集解

邢昺

疏

豫章後學趙

惠

纂要

黨人

五百家

麻冕

冠者首服之大名冕者冠中之別號故冕得為緇布冠也士冠禮曰

陳服緇布冠記曰畏匡案世家云孔子去衛將適陳始冠緇布之冠也

昔者吾入此由彼缺也匡人聞之以為魯之陽虎虎嘗暴匡人匡人於是遂止孔子孔子貌似陽虎拘焉

五日匡人拘孔子益急弟子懼孔子子曰云云包註虎曾暴匡夫子弟子顏刻與虎俱行後又為夫子御至

匡匡人相與共識刻又孔子太宰知我乎鄭云是吳貌類陽虎故匡人以兵圍之

以左傳哀十二年公會吳于橐皋吳子使太宰嚭請尋盟公不欲使子貢對又子貢喜適吳故鄭以為是吳

太宰齊衰者齊衰周親之喪服也言齊衰則斬衰從可知也子疾病包曰疾甚曰病

居九夷案東夷傳云夷有九種曰畎夷十夷方夷黃夷白夷赤夷元夷風夷陽夷又一曰元菟二

曰樂浪三曰高驪四曰濊飾五曰鬼史六曰索家七曰東屠八曰委人九曰天鄙

自衛反魯論語卷二

案左傳哀十一年冬衛孔文子將攻太叔也訪于仲尼仲尼曰胡籃之事則著學之矣甲兵之事未之聞

也退命駕而行曰為則擇木木豈能擇鳥文子遽止之曰圍豈敢度其私訪衛國之難也將止魯人以幣

召之乃歸杜注云於是自衛反三軍萬二千五百人為軍匹夫

魯樂正雅頌各得其所是也

士大夫以上有妾媵庶人賤縕袍孔曰縕帛著也鄭元云縕謂今縕及

但夫婦匹配而已云匹夫者雜用象麻以著袍也

鄉黨第十

朱子集註

豫章後學趙惠箋

朝與下大夫言章 王制諸侯上大夫卿下大夫五

人箋記王制大國三卿皆命于天子下大夫五人上

其君下大夫五人上士二十七人小國二卿皆命于其君下大夫五人上士二十七人 君召使

擯章 所與立謂同為擯者大夫為承擯士為結擯

謂主國之君使接賓客者結繼也其位相承繼而出

也諸侯相見上擯與下介對下擯與上介對諸侯觀

天子則上擯對末介末擯對上介蓋天子南面諸侯

北面故也又見註疏纂要儀禮諸侯觀天子圖及諸

論語箋義二

十四

諸侯

諸侯

諸侯

諸侯

諸侯

諸侯

諸侯

諸侯

諸侯

諸侯

大門闕

如上公九命則用五人以次傳命箋周禮大宗伯以

之位一命受職再命受服三命受位四命受器五命

受則六命賜官七命賜國八命作牧九命作伯又周

禮秋官大行人司儀之職大行人以九儀辨諸侯之

命而上公侯伯子男之介擯各有差九儀謂命者五

儀之賓容擯相之禮出接賓曰擯八贊禮曰相入

公門章

禮士大夫出入君門由闕右

箋曲禮註門以向堂為正

右在東主人位在門東客位在門西臣統於君不敢  
由賓故說闌東也此語最明白故語錄云自外入右  
正與此合然又云此右字自內出而言則二說  
矛盾矣讀者詳之張闌之間見玉藻振音層

**章 執主器**  
箋凡執主器執輕如不克疏主君也聘禮曰上介執玉如重郊特牲上介執圭

而使所以  
**晁氏曰孔子定公九年仕魯十三年適齊**  
申信也

**其間絕無朝聘往來之禮**  
箋史記定公十四年孔子因齊人歸女樂遂去魯適

衛晁氏謂適齊與史不合不知何所據且孔子方以齊人歸女樂而去決無適齊之理

**章 緞絳色**  
箋按考工記鍾氏染羽五入為緞鄭註云染纁者三入而成又再染以黑則為

緞如爵頭色也又復再染以黑乃成緞矣凡元色者在緞緇之間其六入者與審此則緞非絳色雙峯說

論語箋義二

氏亦嘗  
**衿單也**  
箋曲禮曰衿絺綌不入公門鄭註衿單也孔子曰當暑衿絺綌必表而出

之為其形褻也又王藻振絺綌  
**詩所謂蒙彼緇絺**  
箋

不入公門註振讀為衿衿禪也  
**緇絺**  
緇絺是泄裨也註夏則裏衣

衛風君子偕老詩蒙彼緇絺是泄裨也註夏則裏衣緇絺展衣必覆彼緇絺之上緇絺是當暑泄去裨延

蒸熱之服也展衣者夏則裏之以緇絺據此則所引詩似與表而出之義不合朱子詩傳亦云展衣以

蒙絺綌又曰或云蒙謂加絺綌於褻衣之上  
**集疏黃**  
所謂表而出之也合而觀之讀者宜詳其義

**衣狐裘則大蜡息民之服也**  
箋記郊特牲黃衣狐裘黃冠以祭息田夫也李

秋而草木黃落服  
**觶礪之屬**  
箋記內則小子事父母左象其時物之色  
**觶礪**  
右佩用有觶大觶刀  
以解結刀小刀及礪礪也  
**其餘若深衣要半下齊倍**



要 箋齊音容要半下者按深衣要縫半下注云三分

要中減一以益下宜寬也齊倍要者玉藻云縫

齊倍要疏云齊謂裳之下畔要謂裳之上畔言縫下

畔之廣倍於要中之廣謂齊廣一丈四尺四寸則要

廣七尺二寸也

儀禮裳制圖



明衣布章 浴竟即著明衣 箋記玉藻浴用二巾上

布晞身 不飲酒不茹葷 箋莊子人間世篇顏淵曰回

乃屨 論語義表二 食不厭精章 精鑿

數月矣若此則可以為齋子仲 食不厭精章 精鑿

也 箋鑿亦作蔡韻注精細也說文糲米一斛舂為九

之義 聶而切之為膾 箋記內則肉腥細者為膾大者

切之也蓋聶則大切切則細切先大切而後細切也

與聶 漢陸績之母 箋後漢明帝十四年吳郡太守尹

詣廷尉續母自吳來浴陽作食以饋績續對食泣未

嘗不方斷葱以寸為度故知 食肉用醬各有所宜 箋

內則魚膾用芥醬麋腥濡雞濡鰾用醢醬濡魚用 董

通神明去穢惡

箋按本草卷第八草部云溫州生姜久服去臭氣通神明

筭述曰

語自言曰言

箋周禮大司樂以樂語教國子鄭註發端曰言述荅曰語

古人飲

食每種各出少許置之豆間之地

箋朱子語錄古人祭固于地祭食豆

間有坂盛之卒食撤去

鄉人飲酒章

六十杖於鄉

箋記王制五十杖于

家六十杖於鄉七十杖于國八十杖於朝

周禮方相氏

箋周禮夏官方相氏掌蒙熊皮黃金

四目元衣朱裳執戈揚盾帥百隸而時難以索室歐

瘞大喪先匱及墓入壙以戈擊四隅歐方良猶言傲

想可畏之貌難與讎亦必朝服而臨之

箋郊特牲注朝服祭服也

君賜食章

王日一舉膳夫授祭品嘗食

箋周禮天官膳夫掌

論語義二

十七

王食飲膳羞王日一舉以樂備食膳夫授祭品嘗

食王乃食注食飯也飲酒漿也膳牲肉也羞有味者

殺牲盛饌曰舉王日一舉以朝食也祭謂刊肺脊也

禮飲食必祭示有所先品者每物皆嘗之道尊者也

刊音村斲也

寢不尸章 情慢之氣不設於身體

記情慢邪辟之氣不設于身體使耳目鼻口心志百體皆順正以行其義

負版持邦國圖

籍者

箋周禮大司徒掌建邦之土地之圖與其民之數秋官司民掌登萬民之數自生齒以上皆書

千版注男八月女七月而生齒版今戶籍也

周禮獻民數於王

箋秋官司民及三年

大比以萬民之數詔司寇及孟冬祀司民之日獻其數於王王拜受之登于天府又小司寇之職及大比

登民數自生齒以上登于天府孟冬祀司民星也獻民數於王王拜受

記曰若有疾風

迅雷甚雨則必變

箋記玉藻君子之居恒當戶寢恒東首若有疾風迅雷甚雨則必變

雖夜必與衣眼冠而坐

升車章

顧不過鞵

箋纂疏引語錄云立視五雉此乃曲

禮文雉猶規也車輪一周為一雉

末章

嗅當作臭

箋爾雅云鳥曰臭張兩翅皆氣

體所須臭字乃從目從大今作臭恐誤石經二字已見大學或問漢石刻詞箋義

附錄

入公門

儀禮受玉入門鞠躬焉如恐失之玉藻賓入公門行不履闕

行不履闕

禮

士大夫出入君門由闕右不踐闕玉藻賓入不中門不履闕公事自闕西私事自闕東鞠躬如

論語義二

六

也

儀禮受玉云下階發氣怡然再三舉足又趨注云孔子升堂鞠躬如也出降一等是顏色怡怡如也

沒階趨緇衣羔裘

王藻羔裘豹飾緇衣以緇如也

去喪無所

不佩

玉藻凡帶必有佩玉唯喪則否注謂天子以至士記間傳中月而禫禫而織無所不佩

裘元冠不以弔

檀弓夫子曰始死羔裘元冠者易之而已羔裘元冠夫子不以弔

鄉

人儺

郊特牲鄉人揚孔子朝服立于

非階存室神也

楊音傷即儺也

廐焚

記雜記廐語孔子為大司寇廐焚子退朝而之火所鄉人有為

火來者拜之子貢問曰敢問何也孔子曰君命召召凡君召有三節二節以走一節以趨在官不俟屨在外不俟車注君使使召臣急則持二節緩則持一節

今漢使朋友死檀弓夫子曰生於我者擁節乎館死於我乎殯山梁雉集註  
有闕文愚意謂當是山梁雉翔而後集子曰時哉  
時哉子路共之三嗅而作嗅作晏子曰色斯舉矣如  
此則文從義順似不沽酒市脯詩有酒醕我無酒沽  
費詞讀者當更詳之沽酒市脯詩有酒醕我無酒沽  
我醕縮酒也毛謂一宿酒曰沽沽音古鄭謂醕酒非  
三代無醕酒者沽酒市脯亦謂一宿酒耳鶴山云沽  
只是个不好的字濫也惡  
也直謂權醕之醕失經意

# 鄉黨第十

## 何晏集解

### 邢昺

#### 疏

論語義義二

九

### 豫章後學趙

#### 惠

#### 纂要

### 衣前後檐如

後檐如也一俛一仰前

### 君召使擯

賓之副曰介主之副曰擯若諸

侯自行則介各從其命數至主國大門外主人及擯  
出門相接若主君是公則擯者五人侯伯則擯者四  
人子男則擯者三人所以不隨命數者謙也賓若是  
公來至門外直當闈西去門九十步而下車當軹北  
向而立軹軹末也其侯伯立當前侯胡下子男立當  
衡衡謂車軹其君當軹而九介立在君之側迤邐西  
北並東向而列主人出直闈東南南向立擯在主人  
之南迤邐東南立並面向使未擯與末介相對中間  
旁相去三丈六尺列擯介既竟則主君就擯求辭所  
以須求辭者不敢自許人來請已恐為他事而至故  
就求辭自謙之道也求辭之法主人先傳求辭之言  
與上擯上擯以至次擯繼傳以至末擯末擯傳與賓

之未介以次繼傳之上至於賓賓答辭隨其來意又  
從上介而傳下至末介末介又傳與末擯末擯傳相  
次而上至于主人傳辭既竟而後進迎賓至門諸侯  
使卿大夫相聘其介與朝位各下其君一等主君待  
之擯數如待其君其有異者主君至大門而不出限  
南面而立也若公之使亦直闕西北向七介而去門  
七十步侯伯之使列五介而去門五十步子男之使  
三介而去門三十步上擯出闕外闕東南西南向陳介  
西北東向迤邐如君自相見也而未介末擯相對亦  
相去三大六尺陳擯介竟則不傳命而上擯進至末  
擯間南揖賓賓亦進至末介間上擯與賓相去亦三  
丈六尺而上擯揖而請事入告君君在限內後乃相  
與入 **執圭** 執王之禮大宗伯云公執桓圭注云雙植  
也 九寸侯執信圭伯執躬圭解云蓋皆象以人形為琢  
飾文有粗緝耳欲其慎行以保身圭皆長七寸江南

論語箋義二

三

儒者注云直者為信其文緝細曲者為躬其文粗畧  
義或然也子執穀璧男執蒲璧注穀所以養人蒲乃  
為席所以安人蓋珠為穀稼及蒲葦之文皆徑五寸  
其璧則內有孔其孔謂之好故爾雅釋器云肉倍好  
謂之璧好倍肉謂之甘緝考工記云三入為纁五入  
為纁三入而成又再染以黑則為緝緝考工記云三入為纁五入  
者三入而成又再染以黑則為緝緝考工記云三入為纁五入  
為緝又再染以黑乃成緇矣 **表而出之** 加上衣暑則  
表衣然後出之 **朝服而朝** 朝服皮弁服士冠禮云皮  
為其形褻故也 **朝服而朝** 朝服皮弁服士冠禮云皮  
此與君視朝之服也皮弁者以白鹿皮為冠象上古  
也積猶辟也以素為常辟感其要中魯自文公不視  
朔孔子恐其禮廢故每月朔必衣此視 **沽酒市脯** 酒  
朔之服而朝于君所謂我愛其禮也 **沽酒市脯** 酒  
言飲而亦云不食者因脯而并言之耳經傳之文此  
類多矣易繫辭云潤之以風雨王藻云大夫不得造

車馬皆從一而省文也  
食不語  
食不可語語則口中可  
膾寢息宜靜故不言也

# 先進第十一

朱子集註

豫章後學趙 惠 箋

## 野謂郊外之民

箋國外曰郊郊外曰野郊有遠郊近郊四郊之分周禮縣師掌郊里之地

註郊在國之外載師及司勳職遠郊近郊之征役註五十里為近郊百里為遠郊小司徒及閭師遂士掌四郊註曰郊皆去國百里周禮小司徒井牧其田野遂人以土地之圖經田野鄭氏曰地距王城二百里以外至三百曰野賈氏曰爾雅云郊外曰野者非謂郊外二百里之中縱四百里及五百里皆得謂之野

論語箋義

二上

是以遠人亦云掌野野亦謂百里郊外至五百里皆稱野也又禮記王制大學在郊註引尚書大傳四百里之國三千里之郊此乃殷制也疏周制則司馬法云天子畿內千里百里為郊聘禮註云上公五十里侯伯三十里子男十里近郊各半之

## 以就中也

箋易大過卦巽下兌上初六上六皆陰柔

利有攸往乃亨本義云大過既棟撓則不好了却因剛而能中巽而說行所以利有攸往也小過艮下震多上上下下二體皆陰象曰柔得中是以小事吉也剛失位而中是以不可大事也本義云小謂陰也陰多于陽小者過也然二五皆以柔得中故可小事而吉三四皆以剛失位而不中故不可大事二卦皆欲損過就中之象也  
從我於陳蔡章 孔子嘗厄於陳蔡之間

語楚昭王聘孔子孔子往禮焉路出于陳蔡陳蔡大夫相與謀曰孔子聖賢其所譏刺皆中諸侯之病若用事於楚則陳蔡危矣遂使徒兵拒孔子不得行絕糧七日子貢以所賫貨竊犯圍而出告糴于野人得米壹石炊之史記云哀公四年孔子在陳蔡之間楚使人聘孔子孔子將往陳蔡大夫謀曰孔子賢者久留陳蔡用事于楚則陳蔡危矣於是發徒役圍孔子于野不得行絕糧七日乃使子貢至楚楚昭王與師迎之孔子然後得免家語云孔子因楚聘路經陳蔡史記云孔子久留陳蔡而楚聘之二說小異并

### 目其所長分為四科

箋四科二字始于孟子註蓋畫

為宏悅者也有大人者正己而物正者也趙歧註凡此四科優劣之差又後漢鄭元傳云仲尼之門教以四科四科之徒不稱官闕班固傳云十子才兼四科邢昺疏夫子門徒三千達者七十有二而此四科唯舉十人者但言其翹楚

### 論藝義二

高宗顯

者耳集註則本疏文故知十哲世俗論也高宗顯慶二年以孔子為先聖顏回為先師總章元年贈顏回太子少師曾參太子少保唐藝文志睿宗太極元年加贈顏回太子太師曾參太子太保配享孔子廟皆未見有十哲之論元宗開元八年國子司業李璣奏四科弟子宜參配享制曰顏生等十哲宜為坐像悉令從祀此十哲之論所從始也

圭章 事見家語 箋南宮括字子容居南宮因姓焉孟僖子之子家語云獨居思仁公 言仁義其於詩也則一日三復 顏路請子之車章 白圭之玷是南宮綸之行也

### 鯉孔子之子先孔子卒

箋家語孔子三歲而父叔梁紇卒墓于防至十九娶于宋

升官氏一歲而生伯魚魚之生也魯昭公以鯉魚賜孔子榮君之貺故因以名曰鯉字伯魚魚年五十先

孔子 孔子遇舊館人之喪嘗脫駢以賻之 箋禮引孔子適衛遇

舊館人之喪入而哭之哀 命車不可鬻諸市 命服命

出使子貢脫駢以賻之 命車不可鬻諸市 命服命

車不粥于市 註云尊物非民所宜有按曲禮夫為人

子三賜不及車馬 註凡仕者一命受爵再命受衣服

三命受車馬周禮春 問事鬼神章 非原始而知所

官九儀之命無命車 明之故原始反終

以生則必不能及終而知所以死 明之故原始反終

故知生死之說 窮 閔子侍側章 子路卒死於孔悝

之難 義衛世子蒯聵欲弑其母南子得罪靈公定十

二年其父蒯聵居外不得入子路為衛大夫孔悝之

邑宰哀十四年蒯聵入孔悝家遂與其徒攻出公出

公奔魯 大孔悝作亂子路在外聞之而馳入造蒯聵

蒯聵與孔悝登臺子路曰君焉用孔悝請得而殺之

蒯聵乃下石乞孟覺攻子路擊斷子路之纓子路遂

結纓而死孔悝乃孔文子之子文子娶 由之瑟章

蒯聵之姊生悝母孔姬迫悝納之 由之瑟章

北鄙殺伐之聲 箋家語辯樂解子路鼓瑟孔子聞之

之制音也奏中聲以為節流于南不入于北南者

生育之鄉北者殺伐之域舜彈南風之詩其興也勃

然殷紂好為北鄙之音其亡也忽然云云 季氏富於周公章 急賦稅以

益其賦 箋魯自襄公十一年初作三軍十二分其國

已矣矣昭公五年三月舍中軍傳云卑公室也蓋四

分公室三家自取其稅減已稅以貢於公國民不復

論語義二

三



屬於公公室愈卑矣四分者叔孫氏孟孫氏各得其  
一而季氏獨取其二是季氏之賦又多於二子矣哀  
公十一年季孫欲以田賦使冉有詰諸仲尼仲尼曰  
若不度禮而貪冒無厭則雖以田賦將又不足且子  
季孫若欲行而法則有周公之典在若欲苟而行之  
又何訪焉弗聽明年終用田賦蓋司馬法方里為井  
四井為邑四邑為邱邱出馬一匹牛三頭四邱為甸  
甸乃有馬四匹牛十二頭是為革車一乘此乃邱賦  
也今用田賦則改其舊賈遂以為欲令一井之間出  
一邱之稅井別出馬一匹牛三頭若如此則一邱之  
內有一十六井其出牛馬乃多于常一十六倍杜氏  
以為如此則賦太多非民所能給故改之舊制邱賦  
之法田之所收及家內資財并共一馬三牛今欲別  
其田及家資各為一賦計一邱民之家資令出一馬  
三牛又計其田之所收更出一馬三牛是為所出倍  
于常也舊田與家資同賦今欲別賦其田故言欲以

論語箋義二

二古

田賦也已上左傳疏愚按冉有聚斂即田賦之事集  
註謂急賦稅以益其富者蓋舍中軍之時季氏已于  
四分之中獨得其二今又急于田賦是益富也左傳  
于仲尼答冉有之問必曰有周公之典在故論語謂  
季氏富於周公昔此也  
此段大意又見魯語  
凡師有鐘鼓曰伐註云聲其罪  
疏鳴鐘鼓聲其罪往討伐之  
回也其庶乎章  
賜

不幸言而中

箋事見註  
疏纂要

子畏於匡章

民生於三事

之如一

箋國語晉武公伐翼殺哀侯止嬖共子曰苟  
無死吾以子見天子令子為上御制晉國之

政辭曰臣聞之民生於三事之如一父生之師教之  
君食之非父不生非食不長非教不知生之族也故  
壹事之惟其所在則致死焉人之道也繁共子哀侯  
大夫又擅了言事親事君事師服勤至死意與此同

子羔為費宰章

子產說學而從政

箋此乃集成引語錄之言左傳

鄭子皮欲使尹何為邑子產曰未可知否子皮曰使夫往而學焉子產曰不可僑聞之學而後從政未聞以政學者也若果

四子侍坐章

我雖年少長於女

行此必有所害  
箋家語子路少孔子九歲冉求少二十九歲公西華少四十二歲曾皙不見所載之年

穀不熟

曰饑菜不熟曰饑

箋按穀梁襄二十年又云五穀不升謂之饑三穀不升謂之饑四穀不升謂之康

五穀不升謂之大侵集註所引乃出爾雅凡草菜可食者通名為蔬

升音登嘽即歛

方六七十小國也五六十里則又小

矣

箋記王制凡四海之內九州州方千里州建百里之國三十七十里之國六十五十里之國百有二

論語箋義二

三五

十凡二百二十國又云天子之縣內方百里之國九

七十里之國二十有一五十里之國六十有三凡九

十三端元端服箋纂疏輔氏引記王藻天子元端朝

皆當為冕字之誤也謂日諸侯元端以祭是已考鄭注則端

元衣而冕二義宜詳之章甫禮冠箋纂疏引輔氏云

甫周曰委貌者語出記郊特牲云委貌周道也章甫

殷道也母追夏后氏之道也註或謂委貌為元冠母

追上古年下音堆孔穎達疏云鄭註士冠禮委安也

言所以安正容貌章明也殷質言所以表明大夫也

單袷之衣

箋二字乃二義單是單衣袷是夾衣無絮者袷亦作挾音夾

祭天禱雨

之處

箋月令有司大雩凡雩天子主上帝諸侯主星辰山川故謂祭天雩大旱之祭也雩者吁嗟也

旱而吁嗟故曰禱雨舞雩者巫覡歌舞以求神故曰舞雩春秋魯之大雩二十有一

### 附錄

由也不得其死

哀公十五年孔子聞衛亂曰桀也其來由也死矣檀弓孔子哭子路於中

庭有人弔者而夫子拜之既哭進使魯人為長府

者而問故使者曰誰之矣遂命覆醢文

定公云春秋凡用民必書其所興作不時害義固為

罪矣雖時且義亦書見勞民為重事也今考春秋不

見有長府之書或者師過商不及

因閔子之語而止耶師過商不及師爾過而商也不

及子羔為費宰

春秋驍理書費邑初賜季友其四子

後遠為季氏邑即今沂州費縣

論語義二

二六

侍坐

考子路冉有公西華所對與公治長所載孟武伯問子路冉有公西華者如出一口子路曰千

乘之國攝乎大國之間云云此即夫子許以千乘之

國可使治其賦也冉有則曰方六七十云云此即夫

子許以千室之邑百乘之家可使為之宰也公西則

宗廟之事即夫子許以束帶立於朝可使與賓客言

也端章甫

元端之用天子以為燕服及齊服大夫之齊士祭以芻口大夫士以為私朝之服子

以事親士以擯相或既冠則服之以見鄉大夫鄉先

生如晉侯端委入武庫劉定公曰吾端委以治民晏

平仲端委以立于虎門

則元端之用為尤多也

### 先進第十一

何晏集解

邢昺

疏

豫章後學趙

惠

纂要

億則屢中

足十五年春邾隱公來朝子貢觀焉邾子執玉高其容仰公受玉卑其容俯子貢曰

以禮觀之二君皆有死亡焉夏五月壬申公薨仲尼曰賜不幸言而中哀七年以邾子益來見其屢中也

小相大夫為主君擯者及賓之介也聘禮云卿為上擯介士為末介小相者不敢為上擯上介之

卿願為承擯紹擯次介末介之大夫士耳

顏淵第十二

論語義二

朱子集註

豫章後學趙

惠

箋

克勝也

箋揚子問神篇云勝已之私之謂克

勿者禁止之辭

箋□□□□云勿

者州里之旗也而為勿不之勿故語錄謂勿字似旗脚者勿本為旗

司馬牛憂曰章

牛有兄

至死也

箋宋景公患桓魋公使夫人驟請享焉夫人景公母也未及魋先謀公請

以宰章易薄邑各公不可魋伏甲請享公公知之遂改魋其弟司馬牛致其邑與魋而適齊陳成子使為

次鄉向魋亦奔齊司馬牛又見註疏纂要人惡之而反卒於魯郭門又見註疏纂要

子夏哭

子喪明

箋檀弓子夏喪其子而喪其明曾子用之曰吾聞之朋友喪明則哭之

子張問

明章

易所謂剝床以膚

箋剝坤下艮土之卦朱子本義云剝落也五陰在下

而方生一陽在上而將盡陰盛長而陽消落九月之卦也初六剝床以足剝自下起六二剝床以辨辨床幹也進而上矣六三剝之无咎衆陰方剝陽而已獨應之失其黨而從正无咎之道也註疏云六三與陽相應可无咎六四剝床以膚凶陰禍切身故象曰剝床以膚切近災也

哀公問於有若

章

周制

云云

故謂之徹

箋篤公劉詩云徹田為糧朱子云周之徹法自此始

周公蓋因

魯自宣公稅畝

故傳云初稅畝非禮也

出不過籍以豐財也註借民力治田稅不出此百姓足君孰與不足此豐財之道也

征斂無藝

箋周禮匠人九夫為井鄭注諸侯專一國之政為其貪暴稅民無藝賈公彥疏藝為準法

齊景公問

政章

大夫陳氏厚施於國

箋史記陳氏之先陳完自陳奔齊桓公使為卿

論語義一

二天

齊莊公景公時陳文子陳桓子始大于齊行陰德於民以大斗貸粟以小斗受之晏子曰在禮家施不及國景公不能止之景公又多內嬖而不立太子

家景公安燕嬖生子未冠而死駮層姬無子鬻姒生茶胡姬生陽生哀公五年齊侯疾使國惠子高昭子立茶號安孺

子秋景公卒公子嘉公子駒公子黔公子緄公子陽生皆出奔

陳氏弒君篡國公六年陳僖子使召公子陽生於魯陳乞弒荼陽生立是為辟公哀十年齊人弒之子壬立是為簡公哀十四

年陳恒弒之簡公弟平公立平公以下後二世七十年時周安王十一年田常遷其君齊康公於海上使

食一城康公名貨既亡無子田片言折獄章宿留和遂為諸侯太公之後乃滅

也 箋蓋訓宿為 小邾射以句繹來奔 箋哀公十四年 傳小邾射以句

釋來奔曰使季路要我吾無盟矣使子路子路辭季康子使冉有謂之曰千乘之國不信其盟而信子之言子何辱焉對曰魯有事于小邾不敢問攻死其城下可也彼不臣而濟其言是義之也由弗能子路意謂魯或有事伐小邾非已敢問則已言不信愧死其城下可也又射是竊地叛臣與之相要是以射為義恥與不義交好故弗從射是邾之季康子問政前章大夫句繹地名射音亦句音句

魯有中葉政由大夫至甚矣箋其事見註疏纂要季氏第十六子曰天

下有道章季康子名肥季桓子之子

### 附錄

論語義二

二九

克己復禮左傳昭公十二年仲尼曰古也有志克己復禮仁也又家語正論解孔子曰古者有

志克己復禮為仁是夫子答顏回之說古有是語崇德辨惑子張問崇德辨

脩慝辨惑疑脩慝辨惑疑子張問崇德辨惑錯簡賓退錄趙與時

古有是語云忠信徙義崇德者聖人特因子張之問而答之學

者之學聖人蓋不止此富者道盛德至善之謂常人不能主忠信不能徙義愛之者未免終其生惡之者

未免欲其死若能反之誠未可謂之至善但亦足以異于常人矣此說故為政者正也記裏全問政曰敢

明白不必疑其錯簡對曰政者正也君政者正也問何謂為政孔子

為政則百姓從矣

顏淵第十二

何晏集解

邢昺

疏

豫章後學趙惠纂要

人皆有兄弟

哀十四年宋桓魋之寵害於公公將討之未及魋先謀公公知之召皇司馬子

仲及左師向巢以命其徒攻桓氏向魋遂入于曹以叛民叛之而奔衛遂奔齊是其行惡死亡之事也桓

氏即向魋也又謂之桓司馬二吾猶不足 魯宣公十五年初稅畝又履其餘畝更復十收

其一乃是十取其二故此哀公曰二吾猶不足則知從宣公之後遠以十二為常故曰初言初稅十二自

宣公始君不君臣不臣 史記田完世家完卒謚為敬仲仲生穉孟夷生泯孟莊莊生

論語義二

三

文子須無文子生桓子無字桓子生武子故及僖子乞乞卒子常代之足為田成子成子穉簡公專齊政

成子生襄子盤盤生莊子白白博學於文 或本有作君子博學

生太公和和遷齊康公于海上 包曰舞雩之處有壇堦樹木疏封土為壇除地為堦

子舞雩 包曰舞雩之處有壇堦樹木疏封土為壇除地為堦

子路第十三

朱子集註

豫章後學趙惠纂要

以身勞之則雖勤不怨 錢纂疏引語錄云如古人戴星而出戴星而入星言夙厲

稅于桑田與夫以時循行阡陌躬行講武之類按古氏春秋云宓子賤彈鳴琴而單父治巫馬期戴星而

出戴星而入單父亦治巫馬期間其故宓曰我之謂  
任人子之謂任力衛詩定之方中美衛文公云命彼  
倌人星言夙駕說于桑田說音稅倌人主駕者也朱  
傳云言方春時兩既降而農桑之務作文公于是命  
主駕者晨起駕車亟往而勞勸  
之說舍止也桑田勸農之地也 仲弓為季氏宰章

人各親其親然後不獨親其親 箋記禮運大道之行也天下為公故人不

獨親其親不獨子其子今大道既 衛君待子為政章 隱天下為家各親其親各子其子

出公不父其父而禰其祖 箋父之廟口禰謂出公不父莊公而禰其祖靈

公崩賸欲殺母 箋事見雍也第六又述而第七箋義 請學稼章 種五

穀曰稼 箋周禮職方氏五種註黍稷秫菽麥稻又天官三農生九穀註黍稷秫菽麥稻又天官

論語箋義二

魯衛之政章 魯周公之後衛康叔之後 箋魯始祖周公旦文

王第四子周公子伯禽封于魯康叔衛始祖周文王少子成王時為大司徒食采于康謂之康叔成王誅

武庚滅三監分其地以立康叔封為衛侯 衛公子荆章 公子荆衛大夫

箋荆衛之諸公子 子適衛章 西京之教無聞焉 箋

文引文明太宗三君言之而西京之教無聞者前漢都西京蓋言漢文帝也文帝承秦敝之餘雖能與民

休息海內富庶貫朽粟腐而賈誼請興禮樂則謙遜未遑固無所教也 苟有用我章

按史記此蓋為衛靈公而發 箋按史記孔子去陳過蒲會公叔氏以蒲畔止

孔子弟子公良孺聞甚疾蒲人懼出孔子適衛衛靈公聞孔子來喜郊迎問曰蒲可伐乎對曰可靈公曰



善然不伐蒲靈公老怠于政不用孔子孔子冉有退喟然歎曰苟有用我者三月而己三年有成

**朝章** **魏徵獻陵之對** 魏通鑑唐太宗太德皇后葬昭陵上念不已於苑中作層觀眺不見上指示之徵曰臣以為陛下望獻陵若昭陵則臣見之矣上泣為之一言可以興邦章 **詩曰**

**如幾如式** 魏楚茨詩云卜爾百福如幾如式朱傳幾期也春秋傳曰易幾而哭是也舊註言福

**莒父宰章** 莒父魯邑名春秋定 **南人有言曰章**

**恒卦九三爻辭** 九三位雖得正然過剛而不中從

於上不能久於其所故為不恒其德或承之羞之象或者不知其何人之辭承奉也言人皆得奉而進之奉之承如人送兼辱與之也 **善人教民章** **務農**

**講武之法** 箋按國語宣王即位不籍于畝號文公諫曰不可夫民之大事在于農三時務農而一時講武文多不載又月令孟冬天子乃皆當思其命將帥講武此乃三時務農一時講武也 **皆當思其**

**作為如何** 箋纂疏引蔡氏曰古人謂三十年制國用以三十年耕必有一年之食九年耕必有三年之食以三十年之通雖有凶旱水溢民無菜色孔頴達疏云假令一年有四萬斛以一萬斛擬三十通融積聚為九年之蓄以見在三萬斛制國之來歲一年之用董其今年入之多少以為來年出用之數正義曰通三十年之率者每年一率入物分為四分一分擬為

論語箋義二

三十一

儲積三分為當年所用二年又留一分三年又留一分是三年總得三分為一年之蓄三十年之率皆有十年之蓄此云九年者崔氏云三年之間大畧有閏月十二是為一年故惟有九年之蓄也王肅以為二十年有九年之蓄而言三十者舉全數兩義皆通未知孰是

### 附錄

南人有言曰

禮記緇衣子曰南人有言曰人而無恒不可以為小筮古之遺言與云云易曰

不恒其德或承之羞恒其德貞婦人吉夫子凶君子和而不同小人同而不

和論語之言君子小人者多矣今因此章而依次類和集庶知君子小人之詳為政君子周而不比小人

論語箋義

三十三

比而不周君子懷德小人懷上君子懷刑小人懷惠  
里仁君子喻於義小人喻于利雍也女為君子儒無  
為小人儒述而君子坦蕩蕩小人長戚戚顏淵君子  
成人之美不成人之惡小人反是子路君子和而  
同小人同而不和君子泰而不驕小人驕而不泰君  
子易事而難說也說之不以道不說也及其使人也  
器之小人難事而易說也說之雖不以道說也及其  
使人也求備焉憲明君子而不仁者有矣夫末有小  
人而仁者也君子上達小人下達衛靈君子固窮小  
人窮斯濫矣君子求諸己小人求諸人君子不可小  
知而可大受也小人不可大受而可小知也季氏君  
子有三畏畏天命畏大人畏聖人之言小人不知天  
命而不畏也狎大人侮聖人之言陽貨君子義以為  
上君子有勇而無義為亂小人有勇而無義為盜以  
君子小人對言者

凡共一十六章

子路第十三

何晏集解

邢昺 疏

豫章後學趙

惠

纂要

名之必可言

猶衣曰可言也，不可行君子弗言也。不可行君子弗行也。

禴負

博物志云：織縷為之，廣八寸，長丈二，以納小兒於背。

使於四方

古者使適四方，有會同之事，皆賦詩以見意。

發公子朝曰：衛多君子，未有患也。

有直躬者

今律大功以上得相容隱，告言父祖者入十惡。

則典禮亦爾。而葉公以證父為直者，江熙云：葉公見聖人之意，動有隱諱，故舉直躬欲以此言毀訾儒教。

論語箋義二

三

抗衡中國，夫子答之辭正。而義切荆蠻之豪喪，其誇矣。不恒其德，此易恒卦之

王弼云：處三陽之中，居下體之上，處上體之下，上不

全尊，下不全卑，中不在體，體在乎恒，而分無所定，無恒者也。德行無恒，自相違錯，不可致詰，故或承之羞也。

憲問第十四

朱子集註

豫章後學趙

惠

箋

有德者必有言章

和順積中英華發外

箋記樂記：德者性之

端也樂者德之華也云云和順積中  
而英華發外唯樂不可以為偽  
南宮适章 羿滅

夏后相而篡其位  
仲康崩子帝相立帝相崩少康立

左魏莊子曰若夏后之衰也后羿自鉏遷于窮石因  
夏人而代夏政恃其射也不修人事而信用伯明氏

之讒子寒泥浞殺羿而烹之以食其子子不忍食殺  
于窮門泥因羿室生澆及豷相為澆所滅有夏之臣

靡滅泥而立少康少康殺澆與豷有窮遂亡按帝相  
被篡歷羿浞二世四十年而史記直云帝相崩子少

康立疎畧之甚又按有窮乃羿之國開德府衛南縣  
有古鉏城則知窮石去鉏不遠矣見程氏春秋彙理書

稟春秋傳作澆泥之子  
箋帝王世紀寒泥殺羿因羿

地行舟使稟帥師滅斟灌斟尋殺夏帝相愚按澆稟  
二名春秋傳以為澆帝王世紀以為稟其實澆即羿

也禮許  
稷之後至周武王亦有天下  
箋后稷名棄其

器反  
劉慶節皇僕爰弗毀諭公非高圍亞圍公叔祖類古  
公高圍父季歷西伯文王凡十  
六世至武王遂有天下喻音逾

蘇氏云禽犢之愛婦寺之忠  
箋揚子學行篇人而

問道篇或問太古德懷不禮懷嬰兒慕弱犢從焉以  
禮曰嬰犢乎曰嬰犢母懷不父懷母懷愛也父懷敬

也五代史宦者傳云自古宦者之禍深矣又曰宦者  
亂人之國其源深于女禍蓋其能以小善中人之意

小信固人之心使人主必信而  
親之此即所謂婦寺之忠也

裨謀草創章 裨謀

以下四人  
箋襄公三十一年傳云子產之從政也擇

能而使之馮簡子能斷大事子太叔美秀

論語箋義二

三十五

而文公孫揮能知四國之為而辨于其大夫之族姓  
班位貴賤能各善于辭令裨謀能謀鄭國將有  
諸侯之事子產乃問四國之為於子羽且使多為辭  
令與裨謀乘以適野使謀可否而告馮簡子使斷之  
事成乃授子太叔使行之以  
應對賓客是以鮮有敗事  
行人掌使之官大行人  
掌大賓之禮及大客之儀以親諸侯小行人掌邦國  
賓客之禮籍以待四方之使者諸侯之行人亦當通  
掌此事釋例曰使以行言以接事信令之要於是  
乎在古者兵交使在其間春秋分記職官書載

問子產章

子西能遜楚國而立昭王

六年傳楚平

王卒令尹子常欲立平王長庶子子西曰太子壬弱  
其母非適也子西長而好善立長則順子西怒曰是  
亂國而惡君王也令尹懼昭王欲用孔子箋史記孔  
乃立昭王亦平王子名軫昭王欲用孔子子厄於陳

論語箋義二

三十一

蔡於是使子貢使楚楚昭王興師迎孔子然後得免  
昭王將以書社地七百里封孔子令尹子西曰文王  
武王百里之國卒王天下今孔丘據土壤賢弟子為  
佐非楚之福也昭王乃止索隱曰古者二十五家為  
里里則各立社則書社者書其社之人  
名於籍蓋以七百書社之人封孔子  
子西卒召白

公以致禍

或問箋義

荀卿所謂與之書社三百

荀

子仲尼篇云立以為仲父而貴賤莫之敢妬也與高  
國之位而本朝之臣莫之敢惡也與之書社三百而  
富人莫之拒也又禮記雜記大夫之喪執引者三百  
戶鄭註諸侯之大夫邑有三百戶之制孔疏邑三百  
戶者謂小國中大夫也故鄭註易訟卦云小國之  
下大大采地方一成其定稅三百家其實大國下大  
夫亦三百戶故論語云  
管子仲奪伯氏駢邑三百  
子路問成人章  
莊子魯下

邑大夫

錢閔公十七年夫人姜氏會齊侯于卞杜註卞魯邑疆理書隋開皇十六年於卞故城置泗水縣今屬蕪慶府按纂註所引卞莊子三戰三北事見劉向新序第八卷末章又荀子大畧篇齊人欲伐魯忌卞莊子不敢過卞註卞魯邑莊子卞邑大夫有勇也

公叔文子章

公叔

文子衛大夫

箋文子衛獻公之孫名拔或作發謚貞惠文子見檀弓下靈公時臣集註本按作拔字誤也或問吳氏曰文子請享靈公蓋定公十三年初衛公叔文子朝而請享靈公註欲令靈公臨其家退見史鮪而告之史鮪曰子必禍矣子富而若貪罪必及子乎文子曰君說許我矣其若之何鮪曰無害子臣可以免戍也驪其亡乎戍文子之子明年得罪出奔

以防求為後章

防

武仲所封邑

箋隱九年釋例琅瑯華縣東南防地琅瑯今沂密州地

武仲得罪

論語纂義二

奔邾自邾如防

箋襄二十三年傳季武子無適子公彌與統吾其愛之欲擇才焉而立之中豐趨退歸畫室將行乃止訪于臧紇紇曰飲我酒吾為子立之季氏飲大夫酒臧紇為客既獻臧孫命北面重席新樽絮之召悼子降逆之大夫皆起及旅而召公鉏使

與之齒公鉏即公彌使從庶子之禮立于悼子之下季孫失色季氏以公鉏為馬正愾而不出閔子見之曰為人子者患不孝不患無所公鉏然之孟莊子之長子曰秩次曰羯孟氏之御驕豐點好羯欲立之謂公鉏曰苟立羯請讎臧氏孟孫卒公鉏立羯秩奔邾孟氏閉門告于季孫曰臧氏將為亂不使我葬季孫命攻臧氏統奔邾文多不載臧孫如防使來告曰統非能為害也知不足也非敢私請苟守先祀無廢二

晉文公諱

而不正章

威公伐楚文公伐衛

箋伐楚見僖公四年伐衛見僖公二

十八年孫復云以秉勝之師致襄王于踐土是也

二公他事亦多類此

箋齊桓伐

楚之先莊王十三年公會齊侯盟于柯公羊傳曰桓公

之信著乎天下自柯之盟始十五年盟于鄆十六年

九國盟于幽齊始霸也襄陵許氏曰齊桓三合諸侯

而不盟以示重快是以盟則衆信莫敢渝也閔公元

年狄人伐邢齊人救邢胡氏云凡書救者未有不善

之也傳二年城楚而封衛呂祖謙曰桓公始霸之

初狄滅衛又伐邢當時夷狄憑陵中國之甚非齊桓

封衛遷邢則中國幾何而不淪胥為夷矣八年葵卯

之會則一明天子之禁則知翼戴襄王之實信矣晉

文公伐衛致楚之外如天王狩于河陽註疏已言之

矣如僖二十五年請隧伐原之事劉器之曰晉文請

隧非真請之也示欲逼周取天下若楚莊王之問鼎

論義義二

二六

也欲周人窺見其意而與之曰名曰與之其實逼天

子奪之也且王室都洛與溫原近今晉以兵圍而取

之逼王室甚矣而左氏稱其伐原示信何也

桓公殺公子糾章 齊襄公

無道 箋襄公名諸兒齊僖公之子程公說曰齊襄公

急功名當魯桓之末為奚之戰以爭疆場明年會桓

於濼未幾而桓公有彭生之禍姜氏來孫襄公宜少

惕矣夫何會于禚享于祀即為惡益遠紀何幸也而

遷其三邑衛何罪也而若與伐之之師又借魯圍郕

而安受其降魯師還于秋而無知之弒作矣詩于南

山刺其淫甫田刺其求大功虛令刺其荒用以見其

內淫而外暴以及于弒至于散笥之刺文姜倚堊之

刺魯莊載駟之刺宣淫皆列之齊國風于以參讖之

也 九合諸侯章 九春秋傳作糾 箋莊公二十七年

同盟于幽穀梁云

衣裳之會十有一兵車之會四改註疏引之取衣裳之會十一而去北杏陽谷之會為九公羊則無其說註疏又引史記兵車之會三乘車之會六者其文蓋出于國語今集註謂春秋傳作糾者蓋僖二十六年齊侯伐魯公使展喜犒師展喜謂齊侯曰昔周公大公夾輔成王賜之盟曰世世子孫無相害也桓公是以糾合諸侯謀其不協故

管仲非仁者與章 程子

曰威公兄也 箋據荀子仲尼篇云齊桓公殺兄而爭

獨漢書淮南厲王傳厲王上書不遜上令將軍薄昭與厲王長書云周公誅管叔放蔡叔以安周齊桓殺其弟以返國韋昭注曰子糾兄也言弟者諱也程子斷然以子糾為弟者雖有薄昭之言可證然程朱二子之意皆以春秋書法斷之謂經書小白而係之齊明其當有國而為長矣此所謂衆言駁亂折諸聖者

論語發義二

是如唐之王珪 魏徵 齊王元吉多過失皆無寵干上

秦王世民功高上有意以代建成由是秦王與太子有隙武德八年秦王殺建成元吉時魏徵為太子中允王珪為太子洗馬秦王既殺太子引 衛靈公之無

道章 無競 維人 四方其訓之 箋周頌烈文之篇競

用之則無能勝 陳成子弑簡公章 陳成子齊大夫

之而皆從其訓 陳成子弑簡公章 陳成子齊大夫

箋莊公二十二年陳厲公子完字敬仲奔齊成子上距敬仲恰十世哀公十八年弑簡公立其弟平公後

二世七十二年 事在春秋哀公十四年 齊景公五年而田氏代齊矣 齊景公卒羣公子奔衛公子鉏立嬖人鬻奴之子荼秋景公卒羣公子奔衛公子鉏公子陽生來奔八年陳僖子召公子陽生立之是為



博陽生既歸齊留其子壬與闞止在魯曰事未可知  
哀十四年仲公遇弒子壬立闞止有寵使為政陳成子  
憚其君真于舒州六月變遠伯玉使人章 遠伯玉

衛大夫孔子嘗主於其家箋按史記孔子自陳適衛

至干河間簡子殺竇鳴犢及思不出其位章 此良

舜華乃反乎衛入蘧伯玉家卦之象 出此良上艮下之卦象曰兼山艮君子思不

陰之上陽自下升極上而止也其象為山取坤地而

陰其上之狀亦止于極而不過之意也如入君止于

仁不知下面道如何只是我當止于仁為人臣止于

敬不知上面道如何只是我當止于敬以至父子夫

婦朋友大事小事莫不皆然故集不患人之不知

註謂君臣上下大小皆得其職也論語箋義二

章 此章凡四見而文各有異箋學而篇子曰不患

人也里仁為子曰不患無位患所以立不患莫己知

求為可知也憲問篇子曰不患人之不知患其不知

能也衛靈公子曰君子病無不逆詐章 億未見而

能焉不病人之不知也意之也 箋按論語不信億則屢中蓋此與曾臆

以意釋億者賈誼服賦請對以意師古曰叶音報怨章 或人之稱今見老子書 箋云老子第六十三

報怨章 或人之稱今見老子書報怨章 公伯寮章 公伯寮魯人 箋史記列傳公伯寮

以德公伯寮章 公伯寮魯人字子周孔子弟子路

云家語有申縷子周古史考云疑公伯寮譏愬子路

者非弟子之流按此說為是故集註以謂魯人史列

申繚子周蓋疑其為公伯寮誤也家語  
有申績子周以申績為申寮亦誤也  
擊磬於衛章

聖人之心未嘗忘天下此人聞其磬聲而知之

史記高本記云凡教寡人以道者擊鼓語以憂者擊  
磬蓋聖人有憂世之心而未嘗忘天下也愚意朱子

之註以衣涉水攝衣涉水及鄭氏詩註爾雅水泉例  
本此以下為楊絲膝以上為涉田帶以上為厲又鄭樵通

志引韓詩云至心曰厲說文作砾云履石渡水也然  
破石渡水之義與深則厲之厲義不同若

攝衣之義即詩所謂褰裳涉澗謂膝下也子路問君

子章此體信達順之道笈禮運云先王能修禮以

之實也疏云言誠實能行此大順之道以致太平如  
上文言用水火金木飲食必時民無凶饑妖孽之疾

甘靈醴泉麟鳳之應是也此體信達順之效也故程  
子以為天地自位萬物自育氣無不和而四靈畢至

者即禮運之義也又纂疏所引且以一國之君看之  
至然後物不能蔽此一段乃朱子格言所載云楊至

之問修己以敬章程氏如何說聰明睿知皆由此出  
以此事天享帝先生曰如此乃見公全不用工夫聰

明睿知如何不由敬出且以一國之君看之云云至  
然後物不能蔽又朱子格言云做到聖人田地也只

放下只箇敬不得如堯舜之德四箇字獨行這箇敬  
字為首如說恭己正南面而已如說篤恭而天下平

皆是又曰敬有死底有活底只守着主一  
之敬遇事不濟須以義辨其是非不明則不活

原壤夷俟

章原壤孔子之故人笈記禮弓云孔子母死而歌

笈禮弓原壤母死夫子助之沐浴棺原壤登木而歌曰  
久矣予之不託于音也歌曰狸首之班然執女手之

論語箋義一  
四十一

之拳然夫子為末章或問胡氏之說箋語見集成弗聞也而過之  
會魯人字子期與孔斅執筆記事於夫子迭侍左右識于壯哉孔子而問曰此二孺子之物也於學豈能則若性也習慣若自然也

### 附錄

### 南宮适問於孔子

張無垢曰此章全在不答處聖人而窮夫力非所以取天下也然有以力得之者德同宜有天下也而不得者亦多矣是适言雖美有時而窮天子將言其非恐害名教欲言其是則其病猶适也故特不答而已及其既出而謂之尚德君子者蓋

### 論語義一

四十一

美其用

### 禹稷躬稼

趙與時賓退錄洪文敏公云禹未嘗躬稼因稷而稱之余按書云禹

曰暨稷奏庶艱

### 子產惠人也

記仲尼燕居云子曰子產猶衆人之母也能食

之不能教也昭公二十四年子產謂子太叔曰唯德者能以寬服民其次莫如猛云云及子產卒仲尼

出涕曰古之遺愛也史記子產行仁而愛人其死也鄭人皆哭之如亡親管仲不死

篤子路問管仲云云子曰事所射之君通于變也不死子糾量輕重也子糾未成君管仲未成臣管仲以才

度義未可非也召忽雖死過與取仁未足多也衛靈公無道家語賢君篇哀

當今之君孰賢孔子曰衛靈公乎靈公之弟曰公子渠牟其知足以治十乘其信足以守之靈公信而有

之又有士林國者見賢必進靈公賢而尊之又有士

慶足者國有事則治之無事則退而容賢靈公悅而

敬之又有大夫史鱗以道去衛靈公郊舍三日琴瑟不御必待史鱗之入而後敢入臣以此取之

德報怨或問中引表記云以德報怨則寬身之仁也以說德好然表記

又有子曰以德報怨則民有所勸以高宗諒陰檀弓

張問曰書云高宗三年不言言乃謹有諸仲尼曰胡

為其不然也古者天子崩世子聽于冢宰三年又記

喪服四制書曰高宗諒闇三年不言善之曰王者莫

不行此禮何以獨善之也曰高宗者武丁武丁者殷

之賢王也繼世即位而慈良於喪當此之時殷衰而

復興禮廢而後起故善之善之故載之書中而善之

高宗諒闇三年不言此之謂也按纂疏所謂

梁開與蔡氏書註皆本此章鄭氏之註也

### 憲問第十四

論語義二

四三

何晏集解

邢昺疏

豫章後學趙 惠 纂要

危言危行包曰危

南宮适

魯大夫南宮徹叔名縚字子容孟僖子之子仲孫閱

是也孔曰羿有窮國之君篡夏后相之位其臣寒

為夏后少康所殺既羿居窮石之地以窮為國號以

有配之猶言有周有夏孔註尚書云羿諸侯名說文

云羿帝擊射官然堯時亦有羿則羿是善射號非復

人名不知此羿名為誰也云篡夏后相之位者說見  
襄公元年不稗謀草創註鄭國將有諸侯之事則使乘車以適野而謀作盟會之詞蓋

裨謀謀于野則獲  
或問子產  
孔曰惠愛也子產古之遺愛疏昭二十年傳子

產卒仲尼聞之出  
問子西  
疏按左傳公子申也代囊

者曰人也  
猶詩言所謂伊人  
駢邑  
伯氏食邑於駢三百家  
無怨

無驕  
疏江熙云類淵無怨不可  
趙魏老  
疏趙魏皆晉

名臧武仲之  
口疏襄二十三年左傳以阿順季氏出

齊侯將為臧純田  
臧孫聞之見齊侯與之言伐晉

對曰多則多矣  
抑君似臧夫鼠晝伏夜動不穴于窟

廟畏人故也  
今君聞晉之亂而後作焉寧將事之非

而不容于魯國  
柳有由也作不順而施不  
公叔文子

衛大夫公孫枝  
文謚疏案世木獻公生成子當當生

後言無游言也  
樂然後笑不  
求為後於魯  
仲故邑襄

為以三年武仲  
為孟氏所諧出奔邾自邾如防使臧

苟守先祀無廢  
二勳敢不辟邑乃立臧為紇致防而

言使甲後已但  
慮事淺耳二勳文仲  
譎而不正而

不譎  
鄭曰謂召天子而使諸侯朝之仲尼曰以臣言

也馬曰伐楚以  
公義責包茅之貢不人問昭王南征

也晉侯本意欲  
尊天子但於周室既衰忽然帥九國

之師數十萬之  
衆入京師以臨天子似有篡奪之謀

論護義二

恐天子拒逆或怖懼出奔故不敢朝名諸侯會于温  
温去京近因諷諭令王就會受朝天王不可以受朝  
為辭故令假稱出狩諸侯因會朝王聖人貽訓後世  
以臣名君不可為訓舊史作實而書言晉侯召王且  
使王狩仲尼改正舊史書曰天子狩于河陽言天子  
自來狩獵也僖四年春齊侯以諸侯之師侵蔡蔡潰  
遂伐楚楚子使與師言曰君處北海寡人處南海唯  
是風馬牛不相及也不虞君之泚吾地也何故管仲  
對曰云云爾貢包茅不入王祭不共無以縮酒寡人  
是微昭王南征而不復寡人是問杜註禹貢荊州包  
匭菁茅郊特牲云縮酌用茅束茅立之祭前沃酒其  
上滲下去若神飲之故謂之縮昭王成王之孫南巡  
涉漢而溺周人諱之而不赴諸侯不知其故故問舊  
說漢濱人以膠膠船故船壞而昭王溺不知本出于  
何管仲不死孔曰齊襄公之無常鮑叔牙曰君使民  
慢亂將作矣奉公子糾出奔魯齊人殺

論莒莒義二

無知魯伐齊納子糾小白自莒先入是為桓公乃殺  
子糾召忽死之疏小白僖公庶子公孫無知微襄公  
者莊八年冬十一月齊無知弑其君諸兒是也莊九  
年公伐齊納子糾桓公自莒先入秋師及齊師戰于  
乾時我師敗績鮑叔帥師來言曰子糾親也請君討  
之管召讎也請受而甘心焉乃殺子糾于生竇召忽  
死之管仲請囚鮑叔受之及堂阜而稅之歸而九合  
以告曰管夷吾治於高偃使相可也公從之  
疏史記云兵車之會三乘車之會六穀梁傳云衣裳  
之會十有一范甯註云十三年會北杏十四年會鄆  
十五年又會到十六年會出二十七年又會幽僖元  
年會種二年會賁三年會陽穀五年會首止七年會  
甯母九年會葵邱凡十一霸諸侯疏成二年傳云五  
會不取北杏陽穀為九也霸諸侯伯之霸也杜預云  
夏伯昆吾商伯大彭豳韋周伯齊桓晉文是三代有  
五伯矣伯者長也言為諸侯之長也又霸者把也言

把持王者之政教故其不能死註管仲召忽于公子

故死之未足深嘉不死未足多非死事既難亦在於

匹夫匹婦謂庶人無別妾媵弑簡公註左傳錄此事

沐浴而朝彼云齊而請此云公曰告夫三子彼云公

不問耳此又云之三子告彼無文者傳是史官所錄

見其告故傳古之學者為己疏范氏云為人者馮譽

道作者七人包註謂長沮桀溺丈人石門荷蓑儀封

夷逸朱張柳深則厲淺則揭疏揭揭衣也爾雅釋水

夜涉濡諒陰孔曰諒信也陰猶默也疏高宗盤庚弟

引書云高宗諒陰三年不言善之也王者莫不行此

禮何以獨善之曰武丁繼世即位而慈良於喪當此

之時殷衰而復興禮廢而復起故載之書中而善之

邦圖山頂曰夷俟夷蹲踞即坐也俟待也禮揖人

兩足箕踞以待孔子故孔子責之

論語義義二

論語集註箋義卷之二

論語集註箋義卷之三

衛靈公第十五

朱子集註

豫章後學趙 惠 箋

孔子去衛適陳

箋見註疏纂要

子張問行章

蠻南蠻貊北

狄箋周禮夏官職方氏四夷八蠻七閩九貉五戎六

曰貉狄閩蠻之別也爾雅曰九夷八蠻六戎五狄謂之四海

禮地官五黨為州鄭注黨五百家州二千五百家

女母往參焉之參  
箋曲禮

直  
疏纂要

哉史魚章

孫林父甯殖放弑之謀

箋棄十四年衛獻公戒孫文子

甯惠子食日盱不召文子曰君忌我矣弗先必死見

遠伯王曰君之暴虐將若之何對曰君制其國臣敢

好之遂行從近闕出公使子矯等與孫子盟皆殺之

公出奔齊文子等乃立剽是為鴟公二十六年甯殖

子甯喜復弑剽初獻公使與甯喜言欲復因甯喜告

遠伯王伯玉曰瑗不得聞君之出敢聞其入遂行

子貢問為仁章

夫子嘗謂子貢悅不若己者

箋家語六

本篇孔子曰吾死之後商也日益賜也日損魯子曰何謂也子曰商也好與賢已者處賜也好悅不若己

者顏淵問為邦章

謂以斗柄初昏建

寅之月為

歲首也

箋按史記天官書用昏建者杓杓自華以西南杓即格搖也杓尾陰故其用夜半建者衡衡



般中州河濟之間般中也平旦建者魁魁海岳以東  
北也正義曰杓星指寅也杓華山西南之地也衡北斗第  
建用斗杓星指寅也杓華山西南之地也衡北斗第  
五星夜半建指寅魁斗  
第一星平旦建指寅  
三辰之月箋史律歷志三辰  
五箋史律歷志三辰  
行相經緯也注  
故三辰之合於三統也日合於  
夏小正之屬箋大戴  
禮記夏  
天統月合於地統斗合於人統即夏之時也大率  
小正第四十七具十二月之時令即夏之時也大率  
與月令相表裏每月之首各采其一語云正月啓蟄  
言始發蟄也二月往履黍禪禪單也三月參判伏四  
月昴則見五月參則見六月初昏斗柄正在上七月  
芎藭葦八月荊瓜九月內火十月豺祭獸善其祭而  
後食之十有一月王狩十  
有二月鳴弋弋也者禽也商路木輅也周冕有五  
箋  
註疏  
纂要  
臧文仲其竊位者與章  
食邑柳下謚曰惠食

論語箋義三

邑柳下此本註疏之文又淮南子云辰  
翁之家有柳樹身行惠德號曰柳下惠  
末章冕名箋

疏引胡氏曰如春秋傳所記師篋慧之類按襄公十  
四年鄭射氏司氏之亂餘益在宋鄭納略于宋以馬

四十乘與師篋師慧遇宋朝將私焉其稱曰朝也慧

曰無人焉相曰朝也何故無人云云篋音次將私焉

私謂小  
便也  
古者瞽必有相箋周官春官樂師及徹師學

士而歌徹令相註云令視瞭  
扶工瞽師者皆有相道之者故師冕及階曰階也

云云  
鄭氏引此為證又脈瞭者凡樂事相瞽相謂扶

附錄

衛靈公

靈公名元衛襄公嬖人嬖始所生在昭公二  
年昭公七年孔成子立之嬖始上音周下鳥

答問陳鄭夾際藝文卷云軍陣之  
 反問陳鄭夾際藝文卷云軍陣之  
 孔文子將攻太叔也訪于仲尼仲尼曰胡蘆之事則  
 嘗學之矣甲兵之事未之聞也註云對衛靈公軍旅  
 之事未之學也  
 意正與此同  
 放鄭聲遠佞人  
 世之音也舜與帝曰  
 龍朕聖讒說珍行震驚朕師夙夜出納朕命惟允林  
 少頴曰觀頴淵問為邦孔子曰行夏之時乘殷之輅  
 服周之冕樂則詔舞放鄭聲遠佞人鄭聲淫佞人殆  
 舜命九官至于使伯夷典禮后變典樂則治道於是  
 乎成矣而乃命龍以作納言其命之辭則曰朕聖  
 讒說珍行震驚朕師此正孔子答頴淵為邦之意也  
 蓋自古已安已治矣而其所以至於危亂者末有不  
 由於小人變白為黑以是為非者故治定功成之後  
 尤宜以是  
 為戒也

論義三

三

衛靈公第十五

何晏集解

邢昺

疏

豫章後學趙惠纂要

俎豆之事

疏哀公十一年傳孔文子之將夾太叔也  
 訪于仲尼仲尼曰胡蘆之事則嘗學之矣

甲兵之事未之聞

絕糧

孔曰孔子去衛如曹曹不容  
 也其意亦與此同  
 又之朱宋遭匡人之難又之

陳會吳伐陳陳亂故乏食疏孔  
 註皆以孔子世家文而知也

書諸紳

疏以帶束腰  
 垂其餘以為

飾謂之紳紳長制士三尺天子詣  
 侯大夫士之帶其制見于玉藻

可與言

至失言

疏若

中人以上可以語上是可與言而不與言是失於彼  
人也若中人以下不可以語上而已與之言則失于  
已言

### 殺身成仁

疏若伯夷叔齊

### 夏時

註疏見萬物之

始取其易知疏建

### 殷輅周冕

也鄭注木路也漢祭天

乘殷之路今謂之桑根車者是也路大也君之所在

以大為號門曰路門寢曰路寢車曰路車故人君之

車通以路為名左傳曰大路越席昭其儉也越席結

蒲為席置于車中以藉茵服虔引以證殷路杜元凱

以大路為玉路今所不取世本云黃帝作冕周禮弁

師掌王之五冕皆元冕朱裏蓋以木為幹而用布衣

之上元下朱取天地之色既禮三禮圖漢禮制度云

冕制皆長尺六寸廣八寸天子以下皆同董巴輿服

志云廣七寸長尺二寸應劭漢官儀云廣七寸長八

寸又云廣八寸長尺六寸者天子之冕廣七寸長尺

二寸者諸侯之冕廣七十長八寸者大夫之冕但古

禮殘闕未知孰是故備載焉司馬彪漢書輿服志云

孝明帝永平二年初詔有司采周官禮記尚書之文

### 論禮義三

四

憂存不忘亡既濟不忘未濟也王弼云知柳下惠之賢註

下惠展禽也疏正義曰按魯語展禽對臧文仲云獲聞之是其人氏展名獲字禽柳下惠是其所食之邑名謚曰惠列女傳柳下惠死門人將謚之妻曰夫子之謚宜為惠乎門人從之子曰知及之至未善也疏夫知及以得其失也蕩仁守以靜其失也寬故必以禮制知則精而不蕩以禮輔而不猛故安上治民莫善於禮

# 季氏第十六

朱子集註

豫章後學趙惠箋

## 顓臾曾附庸也

箋王制云公侯地方百里伯七十里子男五十里不能五十里者不合於

論語義三

五

天子附於諸侯曰附庸鄭注不合謂不朝會也小城曰附庸附庸者以國事附於大國未能以其名通也又按魯頌曰乃命魯公俾侯於東錫之山川土田附庸魯所以有附庸也又按衛湜禮記集註江陵項氏曰王莽封諸侯置附城則漢人蓋以城鮮庸也古文庸即墉字後人加上以別之不成國者謂之附城猶今言支郡為屬城也

## 左傳史記二子仕季氏不同時

箋左傳定公十二年

仲由為季氏宰將墮三都此仲由任季氏之時也哀公十一年春齊師伐魯季孫謂其宰冉求曰云云時冉有用牙於齊師故能入其軍孔子曰義也冬魯人以幣召孔子孔子自衛歸魯季孫欲用由賦使冉有訪諸仲尼此冉有任季氏之時也子路與冉有仕季氏大畧相去十五年史記孔子世家言仲由為季氏宰在定公十三年冉有為季氏將師與齊戰魯地七于郎克之在哀公七年皆誤當以左傳為据

百之中箋王制公侯伯子男為三等之地鄭註此地

為五等而猶因殷之地周公攝政致太平大者地方

五百里其次侯四百里其次伯三百里子百里男一

百里故明堂位云周公致政於成王

成王封周公於曲阜地方七百

箋見先進季氏富於周公章箋

果欲以越伐魯而去季氏

公患三桓之侈也欲以諸

侯去之三桓亦患公之妾也故君臣鬻公欲以越伐

魯而去三桓秋八月甲戌公如公孫有陘氏因孫于

邾乃遂如越哀公之薨在春秋經後哀公始出孫于

邾魯人立其子寧是為悼公自哀以下九世二百一

十七年而

楚滅之

祿之去公室章

公子遂殺赤立宣公

文

論語箋義三

六

公四年公逆婦姜于齊御不行非禮也君子是以知

出姜之不允於魯也十八年文公薨襄仲殺文公太

子惡及子視而立宣公名倭書曰子卒諱之也夫人

姜氏大歸於齊將行哭而過市曰天乎仲為不道殺

適立庶市人皆哭魯人謂之哀姜襄仲即公子遠視

太子弟也惡即赤公穀稱子赤春秋稱子惡餘見註

要

自季平子始專國歷悼平威子凡四世而為家

臣陽虎所執箋哀五年季文子行父卒其子季武子

室而各有其一此專國之始也昭公七年季武子卒

其子悼子純為政昭二十五年悼子之子平子名意

如逐昭公于齊攝君事定公五年季孫意如卒子威

子名斯為政為家臣陽虎所逐事見註疏纂要又昭

二十五年公將伐季平子子家子曰政自之出久矣

隱民多取食焉為之徒者眾矣註魯國之政自季氏

出於此四君矣昭三十一年晉史墨答趙簡子曰魯  
自政在季氏於此君也四公矣四公謂宣成襄昭也  
**三家皆桓公之後**箋仲孫氏叔孫氏季孫氏為三桓  
公為君春秋書丁卯子同生者是也桓公疾子公子  
慶父公子叔牙公子季友仲孫是慶父之後叔孫是  
叔牙之後季孫是季友之後子孫皆以仲叔季為氏  
並是桓公孫故皆稱為孫仲孫後又稱為孟孫氏  
**周任古之良史**箋左傳隱六年周任有言曰為國家  
任周大夫愚按春秋始  
于平王必平王以前人

附錄

有馬千駟

四記曲禮曰問國君之富數馬以對詩稱衛  
文公亦曰駟牝三千魯頌駟篇亦言僖公

論語義三

七

敬馬之盛而朱傳引衛詩以證之又晏子春秋齊景  
公好馬使人養所愛馬病死公怒令人殺養馬者晏  
子請數之曰爾有三罪使汝養馬而殺之一當死也  
又殺公所最喜馬二當死也使公以一馬之故而殺  
人百姓必怨諸侯必輕伐吾國三當死也公曰  
嗚然敬之觀此則景公必以好馬而多馬乎 **邦君之**  
**妻**曲禮曰諸侯之夫人自稱於諸侯曰寡小君  
註謂饗來朝諸侯之時自稱於其君曰小童

季氏第十六

何晏集解

邢昺

疏

豫章後學趙

憇

笈要

顛與孔曰伏羲之後風姓之國疏僖二十一年傳云

杜註云太皞伏羲四國伏羲之後故主其祀國在太

山南武陽縣東北正義曰明堂位曰成王以周公為

有勳勞於天下是以封周公於曲阜地方七百里

革車千乘顛與為附庸在此七百里封域之內

蕭鄭曰蕭之言肅也墻謂屏也君

孔子曰天下有道

一章

孔曰周幽王為犬戎所殺平王東遷周始微弱

世失政死於乾侯季文子初得政至桓子三世為家

臣陽虎所囚陽虎為季氏家臣至虎三世而出奔齊

疏陪臣者陪重也大夫已為臣家臣為重臣王者功

成制禮治定作樂立司馬之官掌九伐之法諸侯不

得制作禮樂賜弓矢然後專征伐是天下有道禮樂

征伐自天子出也幽王淨褒姒滅宗周子平王東居

論語箋義三

洛邑王室之尊與諸侯無異其詩不能復雅而謂之

王國風是周始弱也按昭二十五年公羊傳云子家

駒曰諸侯僭於天子大夫僭於諸侯久矣昭公曰吾

何僭哉子家駒曰設而觀乘大輅朱于玉戚以舞大

夏八佾以舞大武是也云始於隱公至昭公十世失

政死於乾侯者隱公名息姑伯禽七世孫惠公皇弗

子聲子所生平王四十九年即位隱公卒弟桓公允

立卒子莊公同立卒子閔公開立卒兄僖公申立卒  
子文公興立卒子宣公倭立卒子成公黑肱立卒子  
襄公午立卒子昭公稠立是為十世也昭公二十五  
年公孫于齊三十二年卒于乾侯是也季文子初得  
政至桓子五世者謂文子武子悼子平子桓子為五  
世也云為家臣陽虎所囚者定五年傳云九月乙亥  
陽虎囚季桓子及公父文伯陽虎奔齊正義曰魯伐  
陽虎出奔齊  
在定九年 祿之去公室一章 鄭曰魯先公之初自  
東門襄仲殺文公之

子赤而立宣公於是爵祿不從君出至定公為五世矣大夫四世者孔曰文子武子悼子平子三桓謂仲孫叔孫季孫皆出桓公仲孫氏改其氏為孟氏至哀公皆衰疏左傳文十八年文公二妃敬嬴生宣公敬嬴嬖而私事襄仲宣公長而屬諸襄仲欲立之冬十月仲殺惡及視而立宣公公羊傳作子赤襄仲居東門故曰東門襄仲云至定公為五世

者謂宣公成公襄公昭公定公也

邦君之妻一章

禮曰當此之時諸侯嫡妻不正稱號不蕃故孔子正言其禮也疏比章正夫人之名稱也妻者齊也言與夫齊體也夫人者夫之言扶也能扶成人君之德也小童者自稱謙言小弱之童稚也對異邦稱君曰寡君謙言寡德之君也夫人對君為小故曰寡小君也

# 陽貨第十七

論語義三

九

朱子集註

豫章後學趙

惠

箋

虎嘗囚季威子而專國政

箋定公五年傳六月季平子行東野還未至丙申卒于

房陽虎將以瑀璠欽琬煥璠璠美玉魯昭公出奔之後季平子攝行君事入宗廟佩此玉陽虎以平子嘗佩此玉故將以欽之仲梁懷弗與註懷亦季氏臣曰改步改玉註步行之玉藻云君與尸行接武大夫繼武士中武言昭公之出季氏行君事佩君玉及定公立季氏復臣位步玉俱改矣陽虎欲逐之告公山不狃不狃曰彼為君也子何怨焉既葬陽虎囚季桓子及公父文伯而逐仲梁懷註桓子季平子之子文伯季桓子從父昆弟六年陽虎盟公及三桓于周社七年齊人歸鄆陽關陽虎后之以為政八年陽虎欲去三



桓戰弗克竊寶玉大弓以出九年夏陽虎歸寶玉大

弓而奔齊又奔晉適趙氏仲尼曰趙氏其世有亂乎

註言受亂人也揚雄謂孔子於陽貨誡身以信道箋楊子五

聖人有誡乎曰仲尼于南子所不欲見也於陽貨所

不欲敬也見所不見敬所不敬不誡如何或曰衛靈

公問陳何以不誡曰誡身將以信道也如誡道而信身雖天下不可為也

惟上智與下愚

章 往往強戾而才力有過人者商辛是也箋史記

之子辛即帝紂資辨捷疾聞公山弗擾章與陽虎

見甚敏材力過人手格猛獸

共執威子據邑以叛箋見註疏纂要左傳云子洩為

又作子洩聖人以天下無不可為之人亦無不可改過之

人箋陽虎初欲逐仲梁懷公山不狃曰彼為君也子

何怨焉不狃謂彼為君也者言其乃愛季桓子也

其言甚正後西仲梁懷弗敬已遂以私意逐之定公

十二年仲由為季氏宰將墮三都季氏將墮費公山

不狃叔孫輒帥費人襲魯仲尼命申句須樂頎伐之

費人北二子奔齊後又自齊奔吳至京公八年吳將

伐魯聞於叔孫輒輒曰魯有名而無情伐之必得志

公山不狃曰非禮也君子違不適讎國夫人之行也

不以所惡廢德今子以小惡而覆宗國不亦難乎詳

此則不狃始以仲梁懷為其君終以叔孫輒以小惡

而復宗國皆執正仗義之詞天理未嘗終泯也佛胗

此誠所謂無不可為之人無不可改過者此也佛胗

名章 晉趙氏之中牟箋定公九年傳晉軍在中牟

北河南有中年縣非是史記趙世家襄子之子浣少

即位治中牟亦注云此趙中牟在河北非鄭中牟正

論語箋義三

十

義曰相州蕩陰縣西五十八里有牟山蓋中牟邑在此山之側  
六言六蔽章 禮君

子問更端則起而對箋語出曲禮  
禮云禮云章 盜賊

至為不道然亦有禮樂箋莊子路曰徒問路曰盜亦有道乎路曰何適而非耶夫

妾意室中之藏聖也先入勇也出後義也知可否知也分均仁也五者不脩而能成大盜未之有也此即

如盜亦有禮樂之意箋記樂記云禮樂不可斯須去身  
鄉原章

荀子原慤註箋荀子正論篇原慤之民完衣食  
鄙夫可與事君章

小則吮癰舐痔箋史記佞幸傳文帝常病癰鄧通常為帝吮之太子入問病帝使

嗜癰而色難之已布聞通常為帝吮之太子入問病帝使列禦寇篇云秦王有病召醫破癰潰痼者得車一乘

論語義三  
十一

舐痔者得車五乘所治愈下得車愈多  
孺悲欲見孔子章 孺悲魯人

嘗學士喪禮於孔子箋記雜記恤由之喪哀公使孺悲之孔子學士喪禮於是乎書

注時人轉而僭上士之喪禮已廢矣孔子以教孺悲周人乃復書而存之又儀禮士相見禮第三疏孺悲

欲見孔子不由介紹故孔子辭以疾  
宰我問章 燧取火之木也箋古史考

云古者茹毛飲血燧人氏初作鑽燧取火教人燔炙文公十年傳楚子命夙駕載燧註命從田者早駕載

燧以備取火之用毛晃韵注鑽火各異木是君子尚以鑽燧為鑽木取火也或曰燧取火之木也

勇乎章 疑此子路初見孔子時問答箋史記子路性鄙好勇力

冠雄雞冠佩鞞豚凌暴孔子孔子鼓禮稱誘子路後儒服委質因門人請為弟子此時初見孔子時欲尚

勇之意又家語子路戎服見孔子按劍而舞曰古之君子固以劍自衛乎孔子曰古之君子忠以為質仁以為衛不出環堵而知千里之外有不善則以忠化之侵暴則以仁固之何恃乎劍子路曰由乃今聞此言請攝齋以受教又史記子路性鄙好勇力云云  
**末章 四十成德之時**  
子四十而不惑孟子子四十不動心曲禮四十曰強仕內則曰四十始仕方物出謀發慮道合則服從不可則去是皆成德之時也

### 附錄

色厲而內荏

表記子曰君子不以色親人情疎而貌親在小人則穿窬之盜也

問三

### 論語義三

十三

年之喪

記三年間云孔子曰子生三年然後免於父母之懷夫三年之喪天下之達喪矣

贊

燧改火

周禮司烜掌變國火以救時疾註火雖是四時以木為變所以禳去時氣之疾也又司恒

仲春以木鐸脩火禁于國中註為季春將出火也蓋季春大火星見于辰則使民出火九月火星伏在戌使民內火出火者放火內火則禁民放火也燿音貫桓音毀人謂糲為稻本草所謂糲米者即今之糯米也

食夫稻

通志云稻有粳糯之種古

### 陽貨第十七

何晏集解

邢昺

疏

豫章後學趙 惠 纂要

陽貨

疏陽虎也蓋名虎字貨

歸孔子豚

疏豚豕之小者

子曰性相近也

一章

疏此乃中人耳其性可上可下故遇善則升逢惡則墜唯上知聖人不可移之使為惡下愚之人不可移之使強賢此則非如中人性習相近遠也

公山弗擾以費畔一章

疏公山弗擾即左傳公山不狃也字

道於東方故曰東周疏弗擾而左傳公山不狃也字

子洩末之也已何必公山氏之也上下二之字俱訓為適末無也已止也子路以為夫子無可適也則止

之何必公山氏之適也與周道於東方者其使魯為

周乎正義曰定公五年傳曰六月季平子行東野還未至丙申卒於房陽虎將以瑱璠斂仲梁懷弗與曰

改步改玉陽虎欲逐之告公山不狃不狃曰彼為君

也子何怨焉既葬桓子行東野及費子洩為費宰逆

勞于郊桓子敬之勞仲梁懷仲梁懷弗敬子洩怒謂

陽虎子行之乎九月乙亥陽虎回季桓子是其事也

至八年又與陽虎謀殺桓子陽虎敗而出至十二年

季氏將墮費公山不狃叔孫輒率費澼而不緇疏穴

人以襲魯國人敗諸姑蔑二子奔齊澼而不緇疏穴

土可以築皂江熙云夫子豈實之公山佛於乎欲往

之意以示無係以觀門人之意如欲居九夷乘桴浮海耳子路見形而不及道故聞乘桴而喜聞之公山而不說升堂而未入於室也

子曰巧言令色

疏此章與周南召南

國風為十五篇謂之始

弟子各記所鑽燧改火馬曰周書月令有更火之文

聞故重出之鑽燧改火春取榆柳之火夏取棗杏之火季夏取桑柘之火秋取柞櫟之火冬取柹檀之火疏周書孔子所刪尚書百篇之餘也晉木康中得之

論語卷之三

三

汲冢有月令篇其辭今亡按周禮司爨四時變國火救時疾鄭司農說以鄴子曰春取榆柳之火云云文與此正同釋者云榆柳青故春用之棗杏赤故夏用之桑柘黃故季夏用之柞櫟白故秋用之槐檀黑故冬用之博奕博說文簿局戲也六著十二著也古烏曹圍棋稱奕者又取其落弈之義也

**惡徵惡訐**

孔曰徵抄也抄人之意以為已有疏攻發他人

陰私之事以成己之直

# 微子第十八

朱子集註

豫章後學趙

惠箋

論語箋義三

十四

微子紂庶兄箕子比干紂諸父

彙史記宋世家微子啟殷帝乙之元子故

大而庶紂小而嫡武王克商微子持其祭器造於軍門請存殷祀箕子則馬融王肅以為紂之諸父服虔杜預以為紂之庶兄杜預云梁國蒙縣有箕子冢王子比干者帝太丁之子帝太丁崩子帝乙立帝乙崩少子受立是為帝辛即紂也餘見註疏纂要

**微子見紂無道**

至受辱

箕股紂

淫亂不止微子數諫不聽遠去比干強諫紂怒曰吾聞聖人心有七竅剖比干觀其心箕子懼乃佯狂為奴紂又囚之此即集註所謂微子見紂無道去之以存宗祀箕子比干皆諫紂殺比干囚箕子以為奴箕子因佯狂而受辱者此也然合宋世家殷紀周紀參之言皆參差不同亦不可不考宋紀云微子抱祭器而歸周殷紀云殷之太師少師乃持其祭樂器奔周一不同也尚書微子篇太師少師即箕子比干也一

以諫死一以囚奴今乃言奔周不合乎書二不同也  
周紀又云紂殺王子比干囚箕子太師疵少師強抱  
其樂器而奔周則太師少師又似樂工三不同也宋  
世家云微子與太師少師謀而遂亡則微子去之矣  
乃復紀箕子之奴比干之死而終之曰微子以為父  
子有骨肉而臣主以義屬父有過子三諫不聽則隨  
而號之人臣三諫不聽則可以去矣於是太師少師  
乃勸微子去遂行前既言其已去此方言其遂行四  
不同也史遷之言往往若此如 柳下惠為士師章  
以史証經則似此皆當明辨

### 士師獄官

笈士之名始見于舜命皋陶曰汝作士蓋  
刑官也周禮秋官司寇之屬有士師之職  
掌五禁之法以左右刑罰士師者刑官曰士其長曰  
師故士師之下有鄉士遂士縣士方士訝士皆掌獄  
者此必有孔子斷之言而亡之矣 笈按表記子曰  
事君三違而不

論語箋義三

十五

出竟則利祿之人也人雖曰不要君吾弗信也柳下惠  
雖非懷利祿者然以孔子此言律之則三違而不去  
則必為過中而失正矣又以降志辱身之 齊景公待  
說觀之則孔子斷之之意大畧可想矣

### 孔子章

### 孔子去之事見世家

笈按史記 孔子世  
家魯昭公為季平子

所逐處乾侯魯亂孔子適齊為高昭子家臣通乎景  
公公曰奉子以季氏吾不能以季孟之間待之齊大  
夫欲害孔子孔子聞之景公曰吾老矣弗  
能用也孔子遂行返乎魯時年四十二 齊人歸女

### 樂章

### 齊人懼歸女樂以沮之

笈史記孔子為魯司  
寇齊人聞而懼曰孔

子為政則必霸吾地近焉我為之先矣犁鉏曰請  
先嘗以沮之於是選女子八十人皆衣朱錦而舞康  
樂文馬三十駟遺魯君陳于魯城南門外季桓子微  
服往觀之終日怠於政事郊又不致膳俎孔子遂行

康樂舞曲名  
楚狂章 接輿楚人 地志江陵府人

南諡云接輿姓陸名通躬耕楚王遣 莊子齊物論注皇

使以黃金百鎰車二駟賜之不應 夫子時將適楚

筮史記襄公四年吳伐陳楚救陳闢 孔子在陳蔡之

間楚使人聘孔子孔子將往陳蔡大夫相與譁發徒

役圍孔子於野楚昭王與師迎孔子將以書社地七

百里封之令尹子西不可止之其秋楚昭王卒楚狂

接輿歌而過孔子云云孔子自楚反乎衛時年六十

三而魯哀公六年也書社者索隱曰古者二十五家

為里里各立社書其社之人名於籍蓋以七百里書

社之人封孔子也故下文冉求云雖累以千社夫子

不利 長沮桀溺章 耦並耕也 筮春秋傳訊嬖梁五

也 傷晉室故晉人謂之二耦比即並耕之義也又周

禮春官五人疏古者二耦為耦耦一金者對後伐伐

論語義疏三

發土也二耦為耦二人各執一耜耜頭二全者併

發之謂二人並頭也子路問於長沮長沮不對又問桀

溺若並頭共發不應別問桀溺明前後不並可知今

之耦歧頭者至後漢用牛耕種故有歧頭兩脚耦

孔子自楚反乎蔡 筮史記魯哀公三年而孔子年六

孔子自蔡如葉葉公問政問孔子於子路遂去葉 子

反于蔡長沮桀溺耦而耕孔子使子路問津焉 子

路從而後章 五穀不分

禾也梁今蠡粟也豆今黑豆也小豆今菜豆也麻今

油麻也菘太宰釋云菘音孤雕胡也字或作菘王氏

曰有五穀以三農所生而言則有五穀以五行所屬而言

猶言不辨菽麥爾

見子路第十三箋 筮左傳周子克 無慧不辨菽

麥逸民章

夷逸朱張不見經傳

箋註疏引王弼云朱張字子弓荀卿

以比孔子今云不見經傳何與

少連東夷人

箋記雜記下孔子曰少連大連善居喪三日不

怠三月不解期悲哀

仲雍居吳斷髮文身裸以為飾

箋哀公七年傳子貢謂吳大宰嚭曰太伯端冕以治周禮仲雍嗣之斷髮文身羸以為飾豈禮也哉有由

也太師執章

太師魯樂官之長

箋周禮大司樂之屬有樂師大胥小

胥大司樂與樂師皆掌成均國學以教國子弟大胥小胥掌樂士之徵令其下方有太師小師瞽矇聵聵

之等小師即少師今謂大師為魯樂官之長者諸侯樂官必首大師故以是為長也

以樂侑食

之官

箋周禮大司樂王太食三宥皆奏鐘鼓註大食謂朔月月半以樂宥食時也宥勸也若或問所

論藝義三

十七

引白虎通四飯又不在大食之數又姜夔慶元新進太樂儀辨六十調之非云王大食三宥者每月朔半

隨月用律亦十二宮也

師襄即孔子從學琴者語師

襄謂孔子曰吾雖以擊磬為官然能于琴今子於琴已習可以益矣孔子學之曰非文王其孰能為此師

襄避席拱手而對曰君子聖人也其傳曰

周有八士

或曰成王時人或曰宣王時人

箋按邢昺疏義云鄭元以為成王時人劉

向以為宣王時人今集註兩言或曰者指鄭元劉向之說也又按國語文王之即位也詢於八虞注云八

虞周八士皆在虞官伯達伯适仲突仲忽叔夜叔夏季隨季騶也據此則又或是文王時人故集註謂不

可考者此也又按本文包氏記周時有人四倫生子而孔之每札皆二子凡八子皆為異士者此也



附錄

三黜 列女傳曰柳下惠死妻誅之曰蒙恥 齊景公待

孔子 史記孔子為高昭子家臣以通乎景公聞辭及

孔子 景公問政皆此時也又曰景公將以尼谿田封

晏子 及墨子其文微異 耦而耕 衛氏禮記集說新定

易 只言服牛乘馬引重致遠如論語長沮桀溺耦而

耕 詩十千維耦月令季冬命農計耦耕事皆是人耦

而耕 最可考者古人於耦祭迎貓迎虎凡有功於田

者 無不報祭獨不及牛可見古未知以牛耕自漢以

來 方有賣劍 子路問津 史記子路問津註括地志云

買 犢之說 黃城山 俗名萊山在許州葉

縣 西南二十五里聖賢冢墓記云黃城山即

長沮桀溺所耕處下有東流即子路問津處

論叢義三 十六

微子第十八

何晏集解

邢昺

疏

豫章後學趙 惠 纂要

微子 疏微子名啓世家作開辟漢景帝名也啓與其

弟 仲衍皆紂之同母庶兄也呂氏春秋仲冬紀

云 紂之母生微子故與仲衍其時尚為妾及而為妻

後 生紂紂之父欲立微子為太子太史據法而爭曰

有 妻之子不可立妾之子後立紂為後徧檢書傳不

見 箕子之名惟司馬彪注莊子云箕子名胥餘不知

出何 柳下惠為士師 疏士師即周禮司寇之屬有士師鄉士皆以士為官名鄭元云

士察也泰 若季氏則吾不能 疏以其有田氏專政故也按世家云魯昭公奔

齊頃之魯亂 歸女樂 疏按世家定公十四年孔子年五十六為魯司寇齊人懼犂鉏

請先沮之乃歸女樂孔子行宿乎屯而師已送孔子 歌曰彼婦人之口可以出走彼婦人之舌可以死敗

蓋優哉游哉惟以卒歲師已反桓子曰孔子亦何言 師已以實對桓子喟然歎曰夫子罪我以羣婢故也

孔子遠 接輿 疏姓陸名通字接輿楚昭王時政令無常乃被髮佯狂不仕時人謂之楚狂

耦而耕 鄭曰耦廣五十二耦為耦疏此周禮考工記文也古人耦一金兩人並發之今之耦岐頭

也 兩金象古之耦也 朱張 疏不論朱張之行者王弼云朱張字子弓荀卿以此孔子言其

行與孔子同 論語義三 十九 三飯四飯 包曰三飯四飯樂章名各異疏此章記魯哀公時禮壞樂

崩樂人 故不論也 皆去也

### 子張第十九

朱子集註

豫章後學趙 惠 箋

### 雖小道章 小道如農圃醫卜之屬

箋如許行為神農之言及周禮

戴師掌任土地之法以場圃任園地閭師之任農以耕事任圃以樹事遂師遂大夫教稼穡樹藝皆農圃之事也醫師掌醫之事政令食醫疾醫瘍醫卜師詭人占人筮人皆醫卜之事也其法皆出于聖人政通

釋謂合聖人之道而小者又云若以小道為異端則不可頃刻而施又何待致遠而後泥者蓋注疏以為異端之說百家猶耳目鼻口皆有所明不能相通

氏之說蓋出於莊子雜篇云譬如耳目鼻口皆有所明不能相通猶百家眾技也君子有三

變章 如良玉溫潤而栗然箋記聘義孔子曰昔者澤仁也鎮密以栗知也註色柔而君子比德於玉溫潤而

溫潤潤或為濡鎮緻也栗堅貌 大德小德章 吳

氏曰此章之言不能無弊箋按賢賢易色章合此一則言其流之弊一則

不能無弊皆吳氏之言也朱子門人中吳氏有建安

吳和仲銜新安吳叔夏相臨川吳仲方瑄臨江吳伯

集註所引吳氏不知孰是 門人小子章 故君子

只在謹獨箋按仲弓問仁章程子云唯謹獨便是守

獨子夏門人小子章程子日故君子只在謹獨從洒掃應對與精義入神易

下繫云精義入神以致用也 吾聞諸夫子章 孟莊子魯大夫孟

莊子亦曰孟孫子其父仲孫蕪襄公十九年八月卒莊子襄公二十三年八月卒 叔孫武叔

章 武叔魯大夫箋叔孫成子名不敢定公五年九月卒子州仇武叔在定哀間子服

景伯乃子服回 末章 捷於梓鼓影響箋禮運黃梓而土鼓梓音

路伯之子名何 末章 捷於梓鼓影響而土鼓梓音

淳鼓槌也明堂位土鼓黃梓 註梓音孚與桤同一字二音

論語義三

二十

附錄

此篇凡四稱仲尼

菽史記孔子生而首上圩頂蓋孔子之母徵生德於尼山得孔子首

上圩頂者頂上頂也故孔子頂如反字若崖字之反中低而四傍高如邱之象故國名曰丘字仲尼又鄭夾滌云尼邱之山三倉合而為駘野音烏咍音尼

子張第十九

何晏集解

邢昺

疏

豫章後學趙

真

纂要

論語義三

十一

問交於子張

包曰友交當如子張雖小道計小道謂異夏泛交當如子張端之說百家

也子夏聞之曰噫

孔曰噫心有不平之聲

叔孫武叔

疏名州仇公字叔牙

六世孫叔孫不敬子也武謚誼法剛強直理曰武

紂之不善

疏紂名辛字受德

陳子

禽謂子貢曰

疏此子禽必非陳亢當是同其姓字耳

堯曰第二十

朱子集註

豫章後學趙

真

箋

周有大賚

大賚于四海見周書武成

武成云散鹿臺之財發

鉅橋之粟大賚于四海史記殷祀云厚賦稅以實鹿  
臺之錢而盈鉅橋之粟註鹿臺其大三里高千尺蓋  
臺名今在朝歌城中即紂所都畿內故武王伐紂村  
反入登于鹿臺之上自焚于火鉅橋倉名許真曰鉅  
鹿水之橋有漕粟也周紀云武王命南官錫散鹿臺  
之財發鉅橋之粟以賑貧弱萌諫即大賚之事也

詩序云賚所以錫予善人箋詩云篇口賚同頌篇也

賚予也言所以興滅國繼絕世舉逸民封黃帝堯舜  
錫予善人也

夏商之後釋箕子之囚復商容之位爰按樂記武王

下車而封黃帝之後於剡封帝堯之後于祝封帝舜

之後于陳下車而封夏后氏之後于杞封殷之後于

宋史記周紀武王追思先聖王乃封神農之後于焦

黃帝之後于祝帝堯之後於剡帝舜之後于陳大禹

論漢義三

之後于杞商之後則封紂之子祿父于殷故都然樂  
記與史記所言封剡封祝者有不同武成云釋箕子  
囚封比于棗武商容闢樂記云封王子比于之墓釋  
箕子之囚使之行商容而復其位周記云命畢公表  
商容之閭命閭天封比于之墓按武成及周紀并通  
鑑張良語漢王皆曰武王表商容闢樂記言復商  
容之位且鄭氏註云行猶視也使箕子視商禮樂之  
官賢者所處皆令反其居也詳此則鄭以容為禮樂  
之容而商容非一人之名義與武出納之各項羽刻  
成周紀通鑑皆不同讀者宜辨

印利忍弗與箋漢高祖紀韓信謂項羽使人  
有功當封者印利故忍弗能予

附錄

謹權量審法度

舜典同律度量衡胡士行曰孔子云謹權量審法度四方之政行焉夫政

事出于法度而度法出于權量宮室舟車之類衣服器用之等分田制祿之限斂財用物之法未有捨衣服數而能定者其同律度量衡為是故也

### 堯曰第二十

何晏集解

邢昺

疏

豫章後學趙

惠纂要

堯曰

至

公則說

疏此章明二帝三王之道凡有五節初自堯曰至天祿永終記堯授舜之

論語義三

三

堯命己之辭命禹也三曰予小子至罪在朕躬記湯伐桀告天之詞也四自周有大賚至在予一人言周家受天命及伐紂告天之詞也五自謹權量至公則說提明二帝三

王政化之法也堯姓伊祁名放勳舜姓姚名重華謚法云翼善傳聖曰堯仁義感明曰舜○履湯名按世本湯名天乙者安國之意蓋以湯受命之王依殷法以乙日生名天乙至將為王改名履故二名也

謹權量

漢書律歷志云權者銖兩斤鈞石也所以稱物平施知輕重也本起黃鐘之重一侖容千

二百黍重十二銖兩之為兩二十四銖為兩十六兩為斤三十斤為鈞四鈞為石而五權謹矣量者侖升合斗斛也所以量多少也本起于黃鐘之侖用度數審其容以子穀秬黍中者千有二百實其侖合侖為合十合為升十升為斗十斗為斛而五量加矣志文云度者分寸尺丈引也所以度長短也本起黃鐘之

長以子穀秬黍中者一黍之廣為一分十分為寸十寸為尺十尺為丈十丈為引而五度審矣而此不言可也

論語集註箋義卷之三終

論語箋義三

二十四

